

後山集

冊一



后山集

后山集

四部備要

集部

上海中華書局據趙刻本

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

宋人言詩祖杜少陵論者推豫章爲宗子而陳後山爲豫章之適余以爲豫章特杜門之別傳爾後山詩實勝豫章未可徇時論軒彼輕此也要之宋人詩自以眉山爲第一豫章倔強思以清勁超出畦徑之外自詡宗杜而其實不然少陵之詩無所不有學杜者罕能具體義山牧之名爲善學亦祇得其一肢眉山才大其學杜如昌黎之學史記廬陵之學昌黎擬議以成變化自成一家若後山之於杜神明於矩矱之中折旋於虛無之際較蘇之馳騁跌宕氣似稍遜而格律精嚴過之若黃之所有無一不有黃之所無陳則精詣其於少陵以云具體雖未敢知然超黃匹蘇斷斷如也後山文集其門人魏衍輯詩四百六十五篇爲六卷文一百四十篇爲十四卷任淵注其詩六卷益爲十二卷今所傳馬嗽刻本比魏本詩多二百一十四首文多二十九首又益以談叢理究詩話長短句釐爲二十四卷而任淵之注不傳方紫陽稱後山詩謝克家本有外集今本所增殆卽謝本外集中所蒐遺也馬氏刻版久已亡失吾郡趙子潤川素愛其詩從姚太史聽巖公家借得鈔藏馬氏本中間頗有訛字余悉爲改正疑者

闕焉潤川好古工詩文將謀雕版以廣其傳屬余引其端余聞昔人稱孫真人
千金方一十六卷每一卷藏一仙方後山詩無一非仙方也潤川以是嘉惠藝
林其功偉矣至其古文雅健峻潔能探古人之關鍵其於南豐駸駸乎登其堂
而窺其窔奧矣第以其素嗜釋氏之學差不及南豐之湛深經術爾方之蘇氏
猶爲勝之此尤非俗學所能知也雍正四年丙午長夏後學青浦王原謹序

江西詩派始自涪翁學之者擬議有餘而變化不足往往得其貌未得其神不可謂之善學也善學涪翁者無過陳後山蓋後山爲東坡所薦士而涪翁卽東坡友則後山稍後於涪翁猶及見涪翁宜其學涪翁詩顧所學者以神不以貌嘗云學詩如學仙時至骨自換其自道所得有如此同時詩家莫之能及後有任淵特爲作註且謂讀後山詩如參曹洞禪不犯正位切忌死語非冥搜旁引莫窺其用意深處誠以其苦心深造自成一家人不拘拘於規撫涪翁正其善於學涪翁也夫涪翁與米元章李伯時同爲東坡友後米與李皆叛坡而彼獨爲坡遠謫瀕死不悔大節凜然照耀千古後山之所模範者在是獨詩乎哉史載後山家酷貧傅堯俞嘗懷金以贈見其詞色不敢出又傳其於元符間爲祕書正字侍南郊寒甚僚壻趙挺之熙豐黨也借以副裘卻之不衣寧凍而死則介然之節直與涪翁同而詩以人重亦無弗同論者以其閉門覓句僅比對客揮毫恐未足以盡之余平日讀宋詩深有意乎後山之爲人以其善學涪翁也獨念涪翁全集板行於世所在皆有而後山全集人每束之高閣卽行世者亦無

善本因從姚太史聽巖先生家借得鈔藏馬氏本欲謀雕板以廣其傳而王給諫西亭先生極為獎賞并為余訂訛考異補其殘缺釐為若干卷以付梓雖自愧學殖荒落見聞孤陋未能獨抒其所得以補任淵之註之所未及而平日之讀詩尚友其情或可藉此一慰也雍正庚戌六月雲間後學趙駿烈書於學稼村莊

善本因從姚太史聽巖先生家借得鈔藏馬氏本欲謀雕板以廣其傳而王給諫西亭先生極為獎賞并為余訂訛考異補其殘缺釐為若干卷以付梓雖自愧學殖荒落見聞孤陋未能獨抒其所得以補任淵之註之所未及而平日之讀詩尚友其情或可藉此一慰也雍正庚戌六月雲間後學趙駿烈書於學稼村莊

後山陳先生集記

先生姓陳諱師道字履常一字無已彭城人幼好學行其所知慕古作者不爲進取計也年十六謁南豐先生曾公鞏曾大器之遂受業於門元豐四年神宗皇帝命曾典史事且謂修史最難申敕切至曾薦爲其屬朝廷以白衣難之方復請而以憂去遂寢太學又薦其文行乞爲學錄不就樞密章公惇高其義冀來見特薦於朝而終不一往元祐初翰林學士蘇公軾與侍從列薦乃官之俾教授其鄉未幾除太學博士言事者謂先生嘗謁告詣南都見蘇公爲私遂罷移潁州教授紹聖初又以餘黨罷換江州彭澤令未行丁母憂寓僧舍人不堪其貧暨外除猶不言仕者凡四年左右圖書日以討論爲務蓋其志專欲以文學名後世也元符三年除棣州教授隨除祕書省正字將用矣歿於建中靖國元年十二月之二十九日年四十九友人鄒公浩買棺以殮朝廷特賜絹二百疋嘗與往來者共賻之然後得歸初先生學於曾公譽望甚偉及見豫章黃公庭堅詩愛不捨手卒從其學黃亦不讓士或謂先生過之惟自謂不及也先生

既歿其子豐登以全稿授衍曰先實知子子爲編次而狀其行衍既狀其行矣親錄藏於家者今十三年顧未敢當也衍嘗謂唐韓愈文冠當代其傳門人李漢所編衍從先生學者七年所得爲多今又受其所遺甲乙丙稿皆先生親筆合而校之得古律詩四百六十五篇文一百四十篇詩曰五七雜以古律文曰千百不分類衍今離詩爲六卷類文爲十四卷次皆從舊合二十卷目錄一卷又手書之竊惟先生之文簡重典雅法度謹嚴詩語精妙蓋未嘗無謂而作其志意行事班班見於其中小不逮意則棄去故家之所留者止此昔漢揚雄作太玄法言箴賦如劉歆號知文始敬之後而短毀謂其必傳者桓譚一人而已先生之文早見稱於曾蘇二公世人好之者猶以二公故也今賢士大夫競收藏之則其傳也奚待於衍耶後豈不有得手寫故本以證其誤者則不肖之名因附茲以不朽爲幸焉其闕方求而補諸又有解洪範相表闡微彰善詩話叢談各自爲集云政和五年十月六日門人彭城魏衍謹記

建中靖國辛巳之冬雲別涪翁於荊州翁曰陳無已天下士也其讀書如禹之

治水知天下之脈絡有開有塞至於九川滌源四海會同者也其論事救首救尾如常山之蛇其作文深知古人之關鍵其作詩深得老杜之句法今之詩人不能當也子有意學問不可不往掃斯人之門雲再拜受教明年春至京賢士大夫出涕相弔曰無已亡矣雲驚歎失聲痛恨無窮洎來彭城求先生詩文且四年僅見一二最後得昌世所集凡六百五篇琮璜珎瑀貫列大備雲曰幸矣至寶不歿乃今有獲因記涪翁之語錄以示昌世自昔名世之士著書立言必賴其徒傳之文中子講道河汾以續六經房魏之倫皆北面受業及登廊廟不能顯傳其書卒以泯絕論者至今惜之昌世先生之高弟操行文章雅擅先生之風雖隱約布韋而所立絕人不苟徇合故能蒐拾遺文成一家之言又序先生出處之大節其辭蔚然讀之使人凜凜增慕然先生之道必傳於後世者昌世之力也千載之下可以知其賢矣政和丙申正月甲午元城王雲題

讀後山詩大似參曹洞禪不犯正位切忌死語非冥搜旁引莫窺其用意深處此詩註所以作也近時刊本參錯謬誤政和中王雲子飛得後山門人魏衍親

授本編次有序歲月可考今悉據依略加緒正詩止六卷益以注卷各釐爲上下作之有謂而存之可傳無怪夫詩之少也衍字昌世作後山集記頗能道其出處今置之篇首後有學者得以覽觀焉天社任淵書

世出意文大強其精簡然則文貴人其學業然於其文而後發其於世也

少風雖別於不常而西立其入不亦詩也其精其詩數文以一求之言又其夫

其意者其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

其意也其意也其意也其意也其意也其意也其意也其意也其意也其意也

後山先生集目錄

卷一

五言古詩四十六首

卷二

五言古詩四十一首

卷三

七言古詩四十八首

卷四

五言律詩一百九首

卷五

五言律詩一百八首

五言排律五首

卷六

七言律詩七十六首

卷七

七言律詩七十一首

卷八

五言絕句三十二首

七言絕句一百四十五首

卷九

書一十通

卷十

書二十七通

卷十一

序九篇

卷十二

記一十五篇

卷十三

卷論四篇

卷十四

策二道

策問一十八首

卷十五

表一十三道

啓一十三通

祭文七道

卷十六

墓銘一十道

墓表二道

行狀二道

神道碑一道

卷十七

雜著三十九首

卷十八

談叢三十三條

卷十九

談叢七十六條

卷二十

談叢四十九條

卷二十一

談叢七十四條

卷二十二

理究三十七條

卷二十三

詩話八十條

卷二十四

長短句四十九首

雜體詩一首

後山先生集目錄

後山先生集卷第一

詩五言古

妾薄命二首

爲曾南豐作

主家十二樓一身當三千古來妾薄命事主不盡年起舞爲主壽相送南陽阡
忍著主衣裳爲人作春妍有聲當徹天有淚當徹泉死者恐無知妾身長自憐
葉落風不起山空花自紅捐世不待老患妾無其終一死尙可忍百歲何當窮
天地豈不寬妾身自不容死者如有知殺身以相從向來歌舞地夜雨鳴寒蛩

送外舅郭大夫概西川提刑

丈人東南來復作西南去連年萬里別更覺貧賤苦王事有期程親年當喜懼
畏與妻子別已復迫曛暮何者最可憐兒生未知父盜賊非人情蠻夷正狼顧
功名何用多莫作分外慮萬里早歸來九折慎馳騫嫁女不離家生男已當戶
曲逆老不侯知人公豈誤

送內

麀麀顧其子燕雀各自隨與子爲夫婦五年三別離兒女豈不懷母老妹已笄
父子各從母可喜亦可悲關河萬里道子去何當歸三歲不可道白首以爲期
百畝未爲多數口可無饑吞聲不敢盡欲怨當歸誰

別三子

夫婦死同穴父子貧賤離天下寧有此昔聞今見之母前三子後熟視不得追
嗟乎胡不仁使我至於斯有女初束髮已知生離悲枕我不肯起畏我從此辭
大兒學語言拜揖未勝衣喚爺我欲去此語那可思小兒襁褓間抱負有母慈
汝哭猶在耳我懷人得知

城南寓居二首

游子暮何歸韋杜城南村秋水深可測挽衣踏行雲道暗失歸處棲烏故不喧
牛羊閉籬落稚子猶在門

潭潭光明殿稽首西方僊平生修何行步有黃金蓮我豈昔好徑報以履下穿
洗足坐道場卒卒此何緣

憶少子

端也早豐下歲晚未可量我老不自食安得如我長呱呱棄不予退省未始忘
吾母亦念我與爾寧相望

寄外舅郭大夫

丈人魯諸生明刑如臯陶幸寬右顧憂未惜一身遙西南萬里行可以絕繩橋
慎勿冠惠文神母仁如堯

答張文潛

我貧無一錐所向皆四壁瀛洲足風露胡不減饑色昔聞杜氏子翦髻事尊客
君婦定應賢三梳奉巾櫛

示三子

去遠卽相忘歸近不可忍兒女已在眼眉目略不省極喜不得語淚盡方一哂
了知不是夢忽忽心未穩

送蘇公知杭州

平生羊荊州追送不作遠豈不畏簡書放麁誠不忍一代不數人百年能幾見
昔如馬口銜今爲禁門鍵一兩五日涼中宵大江滿風帆目力短江空歲年晚
田家
雞鳴人當行犬鳴人當歸秋來公事急出處不待時昨夜三尺雨竈下已生泥
人言田家樂爾苦人得知

幼嶺

外家英俊場季氏不好弄用意丘壑間頗以石自奉誰言拳握間意作萬牛重
岱宗小天下不辦一席用

觀堯文忠公家六一堂圖書

生世何用早我已後此翁頗識門下士略已聞其風中年見二子已復歲一終
呼我過其廬所得非所蒙先朝羣玉殿冠珮環羣公神文煥王度喜色見天容
御榻誰復登帝書元自工黃絹兩大字一覽涕無從似欲託其子天意人與同
曆數況有歸敢有貪天功集古一千卷明明並羣雄誰爲第一手未有百世公

廟器刻科斗寶樽蟠華蟲緬懷弁服士酬獻鳴琤瑤插架一萬軸遺子以固窮
素琴久絕絃棋酒頗闕供向來一瓣香敬爲曾南豐世雖嫡孫行名在惡子中
斯人日已遠千歲幸一逢吾老不可待露草溼寒菴

次韻蘇公西湖觀月聽琴并涉潁二首

清湖納明月遠覽無留雲人生亦何須有酒與桐君自醉寧問客一杯復一樽
平生今不飲意得同酣醺清言冰玉質壞衲山水紋殫精有後悟畜耳無前聞
潛魚避流光歸鳥投重昏信有千丈清不如二尺渾

衝風不成寒脫木還自奇坐看白日晚起行清潁湄三穴未爲得一舟不作癡
路暗鳥遺音江清魚弄姿宇定怪物變意行覺舟遲公與兩公子妙語含風漪
但怪笑談劇莫知賓主誰得句未肯吐鬱鬱見睫眉相從能幾何行樂當及茲
生忍自作難百憂間一嬉時尋赤眼老不探黃口兒解公頭上巾一洗七年縉
至潔而納污此水真吾師須公曉二子人自窮非詩

再次韻蘇公示兩歐陽

公詩周魯後曳曳垂天雲府中顧長康風味如麩君非公無此客請壽南山樽
叔季大儒後偏醒亦同醺心與柏石堅章成綺繡紋多難獨不補少慙今無聞
時無古今異智有功昏可使百尺底不作數斗渾

次韻蘇公勸酒與詩

五士三不同煩公以詩訴強酒古所辭妙語神其吐自念每累人舉扇無我污
復使兩歐陽縮手不分付平生西方社弩力須自度不憂龜九頭肯爲語一誤
頓悟而漸修從此辭世故公看萬金產寧能一朝具兩生文章家夙紀鳴蟬賦
請公堅城壘兵來後無數

次韻蘇公題歐陽叔弼息齋

行者歸故里居者愛吾廬生須著錐地何賴汗牛書文室八尺牀稱子閉門居
百爲會有還一足不願餘紛紛幼老間失得了玄虛客在醉則眠聽我莫問渠
論勝已絕倒句妙方愁予竹几無留塵霜畦有餘蔬相從十五年不爲食有魚
時須一俛仰君可貸籛條

寄參寥

平生西方願擺落區中緣惟於世外人相從可忘年道人贊公徒相識幾生前
早作步兵語晚參雲門禪拾策孤山下一室頗蕭然林昏出幽磬竹杪橫疎煙
昨日寄書至坐想參寥泉此泉如此公遇物作清妍一別今幾時綠首成白顛
子亦憐我老我豈要子憐會逢萬里風一繫五湖船酌我巖下水咽子山中篇
寄答王直方

人情校往復屢勉終不近新詩已經年知子不我怨生世餘幾何尺筆日取寸
懷祿有遐心從俗無遠韻時從暗中歸數過林下飯平生功名意回作香火願
三年不舉觴吻頻煙火炊豈無兩蒼龍霑我一兩潤官纍詩未工猛乞無小靳
人生如此耳文字已其閨是身雖臭腐寧作青紫檀永懷忘年友死矣餘令聞
念子頗似之老我何所恨

規禪停雲齋

淨居衆天人宮殿隨所適少仕老不歸重門閉榛棘道人秀叢林妙語出禪寂

是身如浮雲隨處同建立平生與二子嗜好同一律我此復助緣語綺已多責
何年一把茅據坐孤峯嶺呵拂罵祖師塗糊千五百

次韻答晁無斁

女生願無家名妾以不聘田叟亦慕君又惡不由正欲行不問途已破寧顧甌
耕蠶無一廛庖井要三徑還家憂患餘挽鬚兒女競十年寧有此一寒可無命
平生晁夫子得士公室慶稍無車馬音復作賓客請論文到韓李念舊說蘇鄭
長年斷消息獨語誰和應此生恩未報他日目不瞑歸臥無好懷扣門有佳聽
詩來霜雪後更覺天宇淨少好老未工持刃授子柄

次韻晁無斁夏雨

咫尺隔山海作書問如何蟻垤既蓄糧蛙窟如鳴鼙積暑復一雨斧斫仍手摩
鉤窗欲懸麻出門已橫河人言月離畢未必致滂沱東臯繁草木蘭艾不同科
驚魚畏密罟獨鳥鳴南柯稍無蟲飛喧復覺蟬語多因聲作好惡與物殊未和
臥聞夜來雨歸種故山禾百年須下澤萬里付長羅先生斷百好尙以詩作魔

縮子萬言手聽渠七字哦室邇人則遠燕默勞者歌思君得老瘦觸熱生積癩
寒夜有懷晁無斃

同好共城郭十日不一顧人事雖好乖吾生亦多忤闔門對妻子歲月不可度
閉目寧用遮停杯仍下筇獨無區中緣永懷巖下趣平生三徑資安得一朝具
萬里初歷塊前驅告醺暮歸懷屬有思棄世不待怒老境厭逶遲人情費將護
向來張長公吾亦從茲去燈花頻作喜月色正可步預恐何水曹明朝有新句

還里

曠士愛吾廬游子悲故鄉慷慨四方志老衰但悲傷虛名自成誤失得略相當
莫年還家樂未覺道路長閭里喜我來車馬塞康莊爭前借言色草木亦晶光
向來千人聚一老獨徜徉手開南陽阡松柏鬱蒼蒼永願守一丘脫身萬里航
平生功名念倒海浣我腸款段引下澤斷弦更空觴尙從北山南有文移路傍
魏衍見過

暑雨不作涼爽風祇自高我老亦衰疾奈此正鬱陶魏侯有新語高處近風騷

隱几聆五字未覺歷日勞灑然墮冰井起粟豎寒毛三山已在目萬象誰能逃
歷險見絕足過口味豚膏願為夏雷鳴莫作饑鳶號

晚望

黑雲映黃槐更著白鳥度蟬鳴不餘力蛙腹能許怒稱目有佳思側徑無好步
興來成獨往意得誰與賦

和黃預感秋

宿雲護朝霜秋陽佐殘暑蠅癡驅復來汗下拭莫禦庭梧自黃隕風過成夜語
幸是可憐生胡然遽如許黃生多新詩如益一作益繭抽緒唱高難欸乃雋永得

咬咀意合無古今投暗存迎拒名成弟子韓價重先生褚向來得斯人孰謂予
齟齬晚炊鄰僧米晝拾狙公芋甘酸皆適口霜黃一作盡未登俎門有曲逆車謗

甚北山女寧為溝中斷不作太倉鼠老退無好懷續明然兩炬搔首不成眠寒
蟲促機杼

和魏衍元夜同登黃樓

車馬競清夜人物秀三楚登臨得免俗茲樓豈時覩同來兩稚子冠者亦四五
落落俱可人頗亦厭歌鼓山月出未高潛鱗動寒渚檣燈接稀星奪目粲不數
魏侯轉物手百好趨就敘得句未肯吐秀氣出眉宇水淨納行影山空答脩語
夜氣稍侵肌鳥駭去其侶清游豈有極喜事戒多取投靜未免喧於今豈非古
永懷寂寞人南北忘在所橫嶺限魚鳥作書欲誰與情生文自哀意動足復佇
憑楹一作共一默望舒已寢午

和魏衍三日

林花女頰紅春水瓜頭綠步蹇我三休來同君一足苦嗟所歷小不盡千里目
暮景向昏鴉歸塗取脩竹

和黄充實春盡遊南山

逐勝缺勇功餞春無少色出門欲何向坂丸隨所擊百年餘幾何十步復一息
同來二三子楚楚頗脩飭行前強老夫徑捷疲峻陟山門開煙霏禪房閉岑寂
口燥沾茗椀久厄此爲德逐日下西山草路荒不識回溪轉鉤曲門徑入繩直

故人喜領客內愧積腸臆所來為親舊掃除稱寥闕疾風無永勢過雨有餘瀝
高花初欲然平荷已如拭因君感衰盛醜好移頃刻交新厭區區話舊聽歷歷
談間十一二四座已傾側茅屋漏一作涇風霜山田帶沙礫尙能哀此老舉手觸
四塞君如澗底松超拔出天壁學詩有新功黃魏共推激生與魏衍黃預游

陳留市隱者

陳留人物後疑有隱屠耕斯人豈其徒滿腹一杯羹婷婷小家子與翁同醉醒
薄暮行且歌問之諱姓名子豈達者歟槁竹聊一鳴老生何所因稍稍聲過情
閉門十日雨吟作飢鴛聲詩書工發冢刀籥得養生飛走不同穴孔突不暇黔

一作聖有不暖
席接浙去齊行

送魏衍移沛

積雨斷行路重江未安流胡為冒艱險迫此帛米謀歲晏風作橫未寬為子憂
卒然託異縣所得如所求主人如古人待士禮亦優人情樂新知豈不懷舊丘
我貧無四壁愛爾胡能留子也尙不容吾代諸公差羞勿云百里遠已作千山愁

念子捨我去誰復從我遊諸石吾未識因子卜可一作喜不能此已可尙終焉致

綢繆

送法寶禪師

平生跌鐵脚道價喧宇宙望禮東南雲吾今獨何後晚始識其子瑤林一枝秀
初聞飲光笑復作空生瘦今年退後禪袖手不肯又真成菩薩魔未免化城咎
白月懸清光大鐘得辭扣知止一何勇隨緣豈無復豐臺兩禪子三請期一覲
翩然挈瓶孟百里往相就古寺風雨餘觸目初邂逅夙昔有淨緣歡然宛如舊
教我早自異業成誰得救世故已備嘗躄躄復何候鑽火勿停手時來自渠透
慇懃禮白足吾爲泰山溜

贈趙奉議

爲惠不必廣但問與者誰受施何用多名義以爲資平生師友間四海寥寥師
一窮無四壁百代有千詩再逐越淮江三年魯中歸初無贊公色不異淨名衣
才如得風鷁已復觸藩羝路貧誰肯憐語妙君所知我往立談間歛若白受緇

乃知仁者聽不待辛苦詞趙侯名教士勁氣噴長霓論吐天下公而合吾所私
明窗弄文墨妍語含英姿要與識者論且避羣兒癡舊好無新功終年此交綏
未須堅百戰當卽建降旗

和鄭戶部寶集丈室二首

遠遊遊則遠安心心已安茅茨更何事一坐五年寬客來問法要示以無所還
勿云空生默聽者不勝言
貴有空王章貧無置錫地衝風窗自語浣壁蟲成字向隅有知音闔門接強對
只道庭前柏西來本無意

寄黃充

俗子推不去可人費招呼世事每如此我生亦何娛黃生後來秀純茂靜者徒
不見動經月來亦不須與人事已好乖可復自作疎子雖向人嬾勝處不可孤
迨此田事休仍當秋一作寒雨餘深知阻泥濘步履意何如

咸平讀書堂

昔人三百篇善世已有餘後生守章句不足供嘯嘯一登吏部選筆硯隨掃除
閉閣畫眉嫵隔屋聞歌呼奉公用漢律寧復要詩書俛首出胯下枉此七尺軀
今代陶朱公不作大梁屠計然特未用意得輕全吳爲邦得畿縣政密自計疎
寧書下下考不奉急急符用意簿領外築室課典謨平生五千卷還舍不問塗
近事更漢唐稍以詩自娛復作無事飲醉臥擁青奴桃李春事繁軒窗晝景舒
鳴屋鳩渴雨窺簾燕哺雛休吏散篇帙風篁獻笙竽欣然一啓齒斯民免爲魚

和寇十一同登寺山

度暑無好懷憑危略幽致衣冠蔚如林從我才一二茲山昔深登歲月誰得記
尙有名勝流不與金石悴孰知千載後我與子復至煙昏倏見燈洪發疑一作恐
無地領略章句手割據英雄志興壞容一瞬今昔當幾喟圍山缺西北放目不
可制歸懷納清境夜榻成良寐零落壁間詩豈特彼所媿會逢南過適不問西
來意

謝孫奉職惠胡德墨

奚李風流盡法傳外諸孫常山陳贍子懷抱自高擗孰云勝潘翁惟眉山公言
四海未盡識一變歸九原胡郎少年子外家典刑存一點落髹漆重價壓瓊璠
孫侯磊落人情義久益惇解囊贈玄圭孰知師白猿我資不解書下筆輒自暖
良寶不受辱隱默面稱冤

與魏衍寇國寶田從先二姪分韻得坐字

將老蒙誤恩受弔不受賀欲起尙遲回積閱習成惰向來二三子相與守寒餓
一日不可無三歲安得過是時秋益高夜永月初墮漏鼓已再更坐者餘幾箇
酒薄多可強談勝堅莫破簷昏讀字細林缺瞻星大吳吟未至慢楚語不假些
懷遠已屢歎論昔先急唾身世喜相違真成螻旋磨平生陳孟公歲晚不驚坐

禮武臺坐化僧

時呂希哲作單
州守臺屬單州

至人本無心起滅因衆緣化盡悲願在留形此臺巔聞名與致敬獲福皆無前
千年一鉢水宿疾幾人痊驍雄兗州軍馬步餘數千一呼可摧山四合如垂天
老幼十八村頃刻理無全哀鳴寄香火毀塔投其磚或怒忽驚奔如有所見然

等觀同一子豈特此所憐我來已再見童稚亦虔虔發火觸暗室青燈已娟妍
始讀壁間碑妙力隱不傳頗恨語未工安得筆如椽歸路雲月黑濤波隔長川
溪翁停舟待相喚聲相連解纜風泊岸中流水入船欹側脚不停竟脫蛟魚涎
興壞如有待適當使君賢定能選妙士拂塵起重煙時承靈山囑早契少林禪
丐我一片石併刻維摩篇

和謝公定觀祕閣文與可枯木

斯人不復有累世或可期每於丹青裏一見如平時壞障塵得入慘淡令人悲
墨色落欲盡巖顏終不移朽老莫使年石心烏銅皮念此猶少作未盡冰霰姿
北枝把異鵲意定了不疑惜哉不得語胸次幾興衰一爲要貴役可復愧一作辭
畫師隱奧雖可惜塗抹復見遺謝侯名家子感慨形苦詞豈惟語畫工勁特頗
似之何當補諫列一吐胸中奇

後山先生集卷第一

後山先生集卷第一
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

後山先生集卷第二

詩五言古

和鮮于大受崇仙觀餞別曾元忠

此別未為遠兩都東西州情親有乖隔江湖成阻脩脫塵度翠密徐行當尋幽
各有惜別懷共此一日留意合豈待約酒盡不更求闕詞固未可忍手亦何猶
是日坐有黃冠師未解逍遙遊興來我與共醉罷君當休僧房火可親此樂行
且謀萬事日糾紛高懷元一丘

和蘇公洞庭春色

洞庭千木奴寸絲不挂手來輸步兵廚釀作青田酒王家玉東西未覺歲華走
方從羅浮山羅浮山有仙人種橘處已作南陽壽還將甕頭春慰予雪入牖我方縛禪律

一舉煩屢嗅東坡酒中仙醉墨粲星斗詩成以屬我千金須敝帚何曾尊俎間
著客面黧黝定須笑美人趙有璧者平原君笑人笑之蘸甲不濡口

山口阻風

夕風朝未回來雲去爲兩繫舟直山口天意遽如許濤風兩方鬪丘原莫當怒
兩山爲俯仰一鳥不得度臨深負高枕偷生寧得所歷歷數過帆當途氣如虎
快意亦適然淹泊豈吾取溯洄更去留未易相爾汝行登東山顛壯觀前來覩
九澤不滿眼五丈方一縷茲山昔誰遊巨野傳自古菰魚無凶年末利猶不禦
荷隩活萬人梨埒視千戶東方富絲麻小市藏百賈連檣自南北行談雜秦楚
向晚風力微湖清魚可數空倉烏鳥樂外舍窗扉語身非天下惜家無十金聚
欲留盜賊迫欲去渡濤怒兩者爾何從一死吾未與

登冥山

東山如覆孟石塔仍數層昔人行樂處時過名不稱秋風變草木樵徑餘薪蒸
四顧一水閒不復知淄澠菰蒲萬世利煙火千人曾平住登山脚歲晚如不勝
求田君勿問撫髀吾何能飛鴻將目遠秋水留心澄茲遊豈不朽作歌記吾曾

次韻答少章

秦郎淮海士才大難爲弟蔚然霜雪後不受江漢洗春畦不滿眼采掇到芹薺

多病促餘年秋光欲辭抵儒林丈人行掘起三界底出入銀臺門爲米不爲醴
白頭容北面斯文分一體媿我無異聞口闕不得啓

送路紉歸老丹陽

身退不待年意足不待餘寧聞有餘論但問我何如才名四十年盛氣蓋諸儒
獨無金水力竟與鼃鼃俱晚爲府中掾直前不趨趨曾何媿俯仰頗亦困囁嚅
有粟尙可餬有酒尙可娛一朝脫章綬用意不躊躇富貴亦何有惜君寧挽裾
人生一世閒僅得還其軀謝公江海人此計竟亦疎千金一大錢兩子雙明珠
妙語發幽光東坡爲歛歔不知兩疏去能亦有此無聊爲三徑資從子並門居

謝傅監

好士如好色昔聞今則無平生席爲門未識長者車曠士慕林谷羈人辱泥塗
願爲執鞭役莫順下風趨去年辱公先懷刺留寓居我往拜其門鸞鷲鳴高梧
論交不計年取材忘其愚一寒我如此百鎰公無餘今年賀公歸乃復過我廬
當使有近行鷹門有長須小家不耐事雞飛犬升閭莫歸自有恨親顏一何娛

汝家吾無憂能致賢大夫吳公漢庭右賈生世用疎平分太倉粟盡讀鄴侯書
士為知己留不為食有魚三言移曾母投杼公何如

次韻答秦少章

學詩如學仙時至骨自換縹緲鴻鵠上衆目焉能玩子從淮海來一喙當百難
師儒有韓孟拭目互驚惋老生時在旁縮手媿顏汗黃公金華伯莞爾回一眄
彼方試子難疾前不應懦要當攻石堅勿作搏沙散珪璧雖具美龔錯加璀璨
我老不足畏後生何可慢

次韻答子實少章二首

英英黃金花論時不論美靖節骨已朽棄捐乃其理兩公意有餘采采今未已
尚念白頭生臨風嗅霜蕊

交新情已故室遠人則邇杯酒不相忘一朝得二子初花美無度後時終可鄙
與汝臥秋風看君雙控鯉

寄晁以道

兩宮俱爲鄰常若千里遠經年不通書子孰知我嬾相期宇宙外肯復校繁簡
我愚亦知此子意豈不滿子教東方生自視何益損人言不當價一錢萬金產
須子五千卷丹筆校黃本子家太史氏名成南北阮道山鴻鴈行豈惟私門衍
功名須老大四十未爲晚快意會有違急行寧小緩忽有河山阻遂恐消息斷
我獨不念此人窮令智短子勿放我慵書來慰愁眼

寄邢和叔

昔作梁宋遊幽憂廢朝昏閉門無往還不應兒女喧隔牆聞剝啄暮夜誰叩門
知是邢夫子低回過高軒願爲布衣交不顧年德尊恩立談罷又見東南奔
江湖多病後僅免餉魚鼈久廢數行書因人問寒暄但愛孤山西松筠數家村
便欲築居室插秧仍灌園生前不自愛身後何足論草玄笑揚雄贊易悲虞翻
文章徒自苦紙筆莫更存卻尋南郭老隱几學忘言他日宦遊客誤入桃花源
葦間見漁父誰識王侯孫

贈關彥長

後

山

集

卷二

三 中華書局聚

少年初識字已誦子虛賦嘗疑天上人已離人間去蹉跎二十年久自歎遲暮
倦遊梁宋間卻踏江湖路此地始逢君秋陽破朝霧白首鬢毛新青衫顏色故
問君胡爲然竟坐文字誤人事久難知高才常不遇論人較賢智富貴寧在數
不見竹林詩山王俱不與湖塘發高興山林有佳處迨此閒暇時觀游莫辭屢
功名如附贅得失何用顧但當勤秉燭長願隨杖屨

平翠閣

我家山水閱耳目厭華麗聞道浙西山經年通夢寐從爲遠遊客忘卻歸來計
欲置湖上田謝絕人閒世湖山多變態橫斜光氣異隨山轉朱閣臨窮幽邃
惟存宣公樓浮空堆亂翠疑是水仙人臨牆露高髻道人亦愛山朝昏閣終歲
最愛煙雨中半撩青羅袂我來悲歲晚風霜掃昏翳不見嶺頭雲未盡登臨意

次韻應物有歎黃樓

一代蘇長公四海名未已投荒忘歲月積毀高城壘斯樓亦何與與人壓復起
紛紛徒爾爲長劍須天倚循分即可久吾行誰與止邇來賢達人五十笑百里

賴有寇公子衆毀聞獨美直氣懾狂童牽聯皆可紀少公作長句班揚安得擬
頗有喜事人睥睨欲槌毀一朝陵谷變天語含深旨驚倒樓前人今朝有行履
秋懷十首以雨荒深院菊霜
倒半池蓮爲韻
昨日山中雲今朝山下雨牛羊沒禾黍蟋蟀促機杼磨刀洗盆盃社臘不勝數
豈無聚斂吏觸手丞相怒

有家洙泗間歲晏榛棘荒稍知田家樂感此歸意忙老馬甘伏櫪遊魂還故鄉
四十尙無君天下未敢忘

採薪墟墓間行歌當歸耕向來輕薄子懷謖以爲榮喘喘轅下犢力盡官泥深
壯哉八百里一割探其心

翩翩王侯孫館我翠微院粥飯隨鐘魚朝昏黃庭卷中年妻子累往世西方願
獨無詩書力尼父安得怨

黃公輕千乘尙愛五斗祿風雨聽朝雞歲月老松菊平生白蓮社不受一塵觸
識字卽投閣貴者須食肉

昔作九日期一覽知四方夜雨秋水深裂風畏褰裳尊空囊亦空花且爲我黃
官奴覆青綾破屋任飛霜

翼翼陳州門萬里遷人道雨滂落成血著木木立槁今年蘇禮部馬迹猶未掃
昔人死別處一笑欲絕倒

簷簷孤竹君長我一身半凜然霜雪間時至亦陰換共與王子猷永結忘言伴
可使溪壑姿充我眼中玩

北闕書不上南山田不歸朝莫陳州門悠悠此何爲我老何所爲暖日聊差池
君聽城山烏啞啞端爲誰

潭潭光明殿稽首西方僊平生脩何行步有黃金蓮我豈昔好徑報以履下穿
洗足坐道場卒卒此何緣

次韻蘇公西湖觀月聽琴

公詩端王道亭亭如紫雲落世不敢學謂是詩中君獨有黃太史抱杓挹其尊
韻出百家上誦之心已醺黃鐘毀少合大裘擯不文世事如病耳螳鬪作牛聞

苦懷太史惠養豹煙雨昏後世無高學舉俗愛許渾

春酬應物

論世闕真是憎好成愚賢衆手挽跛牂擬度驊騮前與子早相好於今不知年
自從欲著帽憂喜同華顛生世如風花高下亦偶然填溝偶不死揮刃忽自全
病馬試春草枯魚縱奔川稍思升斗祿筦庫未闕員一饑尙可忍百歲當復延
相余乘下澤得句要子宣此生期樂死他日須詩傳縮手著袖間彈棋一爭先

次韻德麟督叔弼季默詩及破余酒戒

歲月不相貸夜牀衾篋秋朝來明鏡中作意多少留惟酒可爲娛顧我非其流
丈夫意氣合珮玦不循鉤意行無人非駿發不中休相逢問何如頗復中之不
清坐豈不好致真豈糟丘兩歐以詩鳴與俗同沈浮百鳥畏嘲弄往和長鳴鷗
相寧忍快便風飄萬斛舟

次韻蘇公獨酌

雲月酒下明風露衣上落是中有何好草草成獨酌使君顧謂客老子興不薄

飲以全吾真醉則忘所樂未解飲中趣中之如狂藥起舞屢跳踉罵坐失酬酢
終然厭多事超然趨淡薄功名無前期山林有成約身將歲華晚意與天宇廓
醒醉各有適短長聽鳧鶴

次韻蘇公獨酌試藥玉滑盞

僊人棄餘糧玉色已可欺小試換骨方價重十冰甃灌以長白虹渺若江海瀾
浮之端不惡舉者亦何辭但媿聞道晚早從鴈門師律部無明文可復時中之
汝陽佳少年三斗出六奇家有持杯手兩好當一施風吹酒面灰月度杯心遲
百年容有命一笑更須時

次韻德麟植檜

種木待成材聊爲十年事日中趨百里寧問萬牛費植檜三尺強已有凌雲氣
生世能幾何擬作千歲計衆人笑拍手君子用其意蕭蕭孤竹君忘言理相契
名以金石交椿楊豈奴婢緬懷萬仞顛千丈蔚蒼翠蟠根泉石底用意霜雪外
寧須大廈才坐待斧斤至散爲風雨聲密作牛馬蔽

送叔弼寄秦張

廬陵四公子吾及識其半叔也英達人平易亦稍悍於時吾始壯敗壁不塗墁
孤身客東都轉食諸公館時來扣君門百遍不留難傾心倒囊笈燕語徹昏旦
磬折挽爲親少得而多患相過汝潁上歲月不勝數君才得公餘十日而十歲
舌端懸日月筆下來江漢此行不尋常談者方一貫逸足寧小試寶刀當立斷
用意不崎嶇欲得志挾彈目今平生親稍作春冰泮因聲督張秦書來不應緩

次韻德麟吳越山水

吳山那可說已覺心耳靜忍事如忍欲可遏不可騁人生如此耳黃白滿朝鏡
寧懷斗升粟不理東南艇君從湖上歸頗說寒事竟沙草柔動色溪喧魚不定
煩君冰玉句無作江湖興君詩如靜女妙絕人所敬不更風雨秋下有桃李徑
試寫孤竹君名成三絕鄭

龍潭

清淵下無際落日回風瀾凜然毛髮直敢以笑語干陂陀百尺臺蔥翠萬木蟠

驚颿振積葉清霜作朝寒水旱或有差精禱神其難魚龍同一波信有水府寬
向來三日雨賴子一據鞍何以報嘉惠寒瓜薦金盤萬口待一飽歸臥神其安
猶須雪三尺盛意莫得闌

贈魯直

相逢不用早論交宜晚歲平生易諸公欺人真可畏見之三伏中凜凜有寒意
名下今有人胸中本無事神物護詩書星斗見光氣惜無千人力負此萬乘器
生前一尊酒撥棄獨何易我亦奉齋戒妻子以爲累君如雙井茶衆口願共嘗
顧我如麥飯猶足填飢腸陳詩傳筆意願立弟子行何以報嘉惠江湖永相望

次韻蘇公竹間亭小酌

自昔一作至音有遺韻小飲不盡觴坐待竹間月奈此雲影長起行林下路散策踰

平岡破眼一枝春著意千葉黃暄寒會有分蜂蝶來無央鳥語帶餘寒竹風回
妙香緬想兩公子缺三字朝陽斯人班馬後如圭復如璋相逢子無得住處每難

忘

送李奉議亳州判官四首

謝公中年後畏與親友別數日懷抱惡每笑冠纓絕生有四方事死當一語決
前笑今則悲吾衰擬何說著鞭何必先倒筆不容掣鞭爾轅下駒萬里一改轍
祁氏號外府藏室多異書因公有餘力一覽意何如爲學雖日益受益不受誣
正須高著眼濠梁有遊魚

吾友孫子實愛學吾所畏持身如處子得句有餘味交驩艱難際凜然見名誼
吾病臥里中車馬日一至遣醫饋梁肉憂喜見顏際慙勸加滄代我破戒罪
一別已三秋君室乃其季輪囷見眼中不作千里外因聲問何如胡不枉一字
吾友張文潛君行乃其里當年釣遊處壯者或可指聞風起遐想意作千古士
不知塵土中奴推婢不齒胷中無一塵筆下有百紙勿問見自知未語君已喜
與遊今已後行已勿停軌

大風梁山

泊

積陰風易作隆寒

一作風

聲益急百爲定有數一動必三日犇墮水勢壯撮扶波

頭立前行後浪一作者

促突起旁交射崩騰萬騎來倏忽一箭扶摧殘蒲葦盡簸

蕩魚龍泣私憂地軸脫已分梁山沒向來萬斛重不作一葉直舟行兩水間觸

突聲悉率路轉帆舉落舟排水壘積經事長一智中人所知識千金不垂堂豈

復待一失窮途得偉觀老氣猶少色

一作邑

事定不敢

一作未得

忘嗟來庶

一作安

可及

後山先生集卷第二

後山先生集卷第三

詩七言古

贈二蘇公

岷峨之山中巴江桂椒栴檀楓柞樟青金黃玉丹砂良獸皮鳥羽不足當異人
間出駭四方巖王陳李司馬揚一翁二季對相望奇寶橫道驥服箱誰其識者
有歐陽大科異等固其常小卻盛之白玉堂典謨雅頌用所長度越周漢登虞
唐千載之下有素王平陳鄭毛視荒荒後生不作諸老亡文體變化未可量萬
口一律如吃羌妖狐幻人大陸梁虎豹卻走逢牛羊上帝惠顧被不祥天門夜
下龍虎章前驅吳回後炎皇絳旂丹轂朱冠裳從以甲冑萬鬼行乘風縱燎無
留藏天高地下日月光授公以柄扶病傷士如稻苗待公秧臨流不度公爲航
如大醫王治膏肓外證已解中尙強探囊一試黃昏湯一洗十年新學腸老生
塞口不敢嘗向來狂殺今尙狂請公別試囊中方

嗚呼行

後

山

集

卷二

中華書局聚

去年米賤家賜粟百萬官倉不餘掬青錢隨賜費追呼昔日剜瘡今補肉今年夏旱秋水生江淮輸粟千里行不應遠水救近渴空倉四壁雀不鳴似聞爲政不爲費兩不相侵兩相濟十年斂積用一朝驚濤破山風動地

送杜侍御純陝西轉運

魏糧千里古無策木牛流馬功不極邊頭數米換黃金將軍汗馬未伏櫪黠羌人面作胡語烏鼠貪生爾如許熊虎可避蟲可驅覆巢熏穴意何如漢虜相當庸可盡聊城正用一封書巧手莫爲無麵餅誰能留渴須遠井國家有急君得辭徐人不勞扣闕請隴上壯士莫捫舌河西狂王防繫頸向來此地幾送迎草間翁仲口不瘖十年兩熟飽可待一歲四守人何心老稚持車車不留歸人不行行轉頭關中正須蕭丞相省內早要富民侯

出清口

家世山東飽耕稼晚託一舟順流下漁溝寒餅不下筯推柂轉頭更五夜平明放溜出清口霜落潮回霧連野平淮一夢三十里有日無風神所借似憐憂患

滿人間百孔千瘡留一罅文章末技將自效語不驚人神可嚇子女玉帛君所
餘寄聲白鳥煩多謝

猴馬有序

楚州紫極宮有畫沐猴振索以戲馬頓索以驚圍人不測從後鞭之人言沐

猴宜馬而今爲累作詩以導馬意

韓鄂四時纂要曰常繫獼猴於馬坊內辟惡省百病令馬不著疥

沐猴自戲馬自驚圍人未解猴馬情猴其天資馬何罪意欲防患猶傷生異類
相宜亦相失同類相傷非所及志行萬里困一誤吐豆齧荜甘伏櫪

送黃生兼寄二謝二首

南第諸兄蚤相見別時託子以無倦百年論交見子心一朝取別寧吾願妙歲
遠遊真所難肯爲得官近長安聖作詩書端有意猶須用之科舉外

城西兩謝俱能文穰丞精悍吾所聞每讀吾詩得人意使不能文已可人我昔
謝公門下士早年妄作功名意如今老寄潁河東九泉雖深媿此公

次韻蘇公西湖徙魚三首

窮秋積雨不破塊霜落西湖露沙背大魚泥蟠小魚樂高丘覆杯水如帶魚窮
不作搖尾憐公寧忍口不忍鱠修鱗失水玉參差晚日搖光金破碎咫尺波濤
有生死安知平陸無灘瀨此身寧供刀几用著意更須風雨外是間相忘不爲
小濠上之意誰得會枯魚雖泣悔可及莫待西江與東海

赤手取魚如拾塊布網鳴舷攻腹背豈知激濁與清流恐懼駢頭牽翠帶居士
仁心到魚鳥會有微生化餘鱸寧容網目漏吞舟誰能烹鮮作苛碎我亦江湖
釣竿手悞逐輕車從下瀨生當得意落鷗邊何用封侯墮鳶外不如此魚今得
所置身暗與神明會徑須作記戒鯨鯢防有任公釣東海

詩成落筆驥歷塊不用安西題紙背小家厚斂四壁立拆東補西裳作帶堂下
穀鯨牛何罪太山之陽人作鱠同生異趣有如此瓶懸賞間終一碎流水長者
今公是雨花散亂投金瀨人言充庖須此輩慈觀更須容度外賜牆及肩人得
視公才槃槃一都會有憐其窮與不朽我亦牽聯書玉海

寄晁載之兄弟

人言婚宦情欲本吾始求脫君已半孰知一世如一夢在夢而覺寧待旦寒簷
淨兩作秋聲冷屋風燈挑不明樽前已作十年語後會未期吾屢驚一聞七字
心已識鉤章棘句天與力念子方壯我已衰不見參天二千尺季也亦有詩百
篇叔子擬度驂騑前端能過我三冬學可復參儂一味禪

別圓澄禪師

法施老人臥不出呼我取別行問疾磨盤拭筋勸一飽少待須臾莫倉卒早年
著眼觀文字萬卷初無一言契多生綺語未經懺半世虛名足爲累此去他來
尙有緣頭童齒豁恐無年慙懃三請久住世弊惡可念未可捐平生準擬西行
計老著人間此何意他年佛會見頭陀知是當年老居士

舟中二首

惡風橫江江卷浪黃流湍猛風用壯疾如萬騎千里來氣壓三江五湖上岸上
空荒火夜明舟中起坐待殘更少年行路今頭白不盡還家去國情

野火燒原雉昏雒黃塵漲天牛亂鬪江間無日不風波老去何時脫奔走詩書

滿腹不及口遮日寧須釣竿手愧爾茅簷炙背人仰目青天搔白首

古墨行 有序

晁無斃有李墨半丸云裕陵故物也往於秦少游家見李墨不為文理質如

金石亦裕陵所賜王平甫所藏者潘谷見之再拜云真廷珪所作也世惟王

四學士有之與此為二矣嗟乎世不乏奇乏識者耳敬為長句率無斃同作

秦郎百好俱第一烏一作墨丸如漆姿如石巧作松身與鏡面借美於外非良質

潘翁拜跪摩老眼一生再見三歎息了知至鑒無遁形王家舊物秦家得君今

所有亦其亞伯仲小低猶子姪黃金白璧孰不有古錦句囊那可敵睿思殿裏

春夜半燈火闌殘歌舞散自書細字答邊臣萬里風塵入長筭初聞橋山送弓

劍寧知玉盃人間見夜光炎炎衝斗牛會有太史占星變人生尤物不必有時

一過目驚老醜念子何忍遽磨研少待須臾圖不朽魏衍注曰少游之墨嘗許先生為他日墓誌潤筆先

生嘗語衍作此詩時少游尚無恙然終先逝去明窗淨几風日暖有愁萬斛才八斗徑須脫帽管城公

小試玉堂揮翰手

蠅虎

物微趣下世不數隨力捕生得稱虎匿形注目搖兩股卒然一擊勢莫禦十中
失一八九取吻間流血腹如鼓卻行奮臂吾甚武明日淮南作端午

寄鄧州杜侍郎

紘

南陽老幼如雲屯連日城東候使君後者排前旁捷出爭先見面作慙慙六年
重來已白髮一日再見回青春道傍過者怪相問共言杜母真吾親使君雖老
心尚壯文采風流諸謝上名家從昔杜陵人盛德於今文人行我昔臥病老彭
城畫船鳴鼓千里行致書饋奠初未識丁寧勞苦如平生人言此事今未有古
人中求還得否忘年屈勢不虛辱公自一作爲德吾何取菊潭之水甘且潔潭
上秋花照山白請公酌此壽百年奕奕長爲此邦伯孰先一州後四方重金疊
蓋登廟堂請從今日至雲來月三十斛輸洛陽

答魏衍黃預勉余作詩

我詩淺短子貢牆衆目俯視無留藏句中有眼黃別駕洗滌煩熱生清涼人言

我語勝黃語扶豎夜燎齊朝光三年不見萬里外安得一身置汝傍邇來諸子復秀發曾未幾見加端章剩欲摧藏讓頭角豈是有意羣兒傷於人無怨我何憾愛者尙衆猶吾鄉平生不自解嘲諑禍來亦復非周防我衰氣索不自振正賴好語能恢張詩家小魏新有聲舊傳秀句西里黃後生學行闕師友臨路不進空迴遑看君事業青雲上聽渠螟螣生膏肓

招黃魏二生

出門不雨卽遇風閉門值睡極力攻似聞湯鼎作吟聲已賀勝敵收全功卻思二子共一笑撥棄舊語無新工卒行好步不兩得能致公等吾何窮魏詩黃筆今未有顧我獨得神所鍾徑須相就踏泥潦已辦煑餅燒油葱

和魏衍三日

堤沙泥盡未及塵江波不動風生紋虎頭魚尾不知數朱旗一點來奔雲春容已老有餘態被襖雖古無前聞踏青摸石倚祕祝落日帶雨催行人聽詩對月兩不厭頗覺過目徒紛紛君不見天寶杜陵翁屈宋才堪作近鄰

和魏衍聞鸞

春力著人朝睡重，葉底黃鸝鳴。自送綠幕朱欄日，觀明回廊側戶風。簾動昨夜春回到，寒谷好鳥飛來把。脩竹整翰厲觜初，一鳴已落君詩專。妙獨退紅著綠春事殘，後時獨立知何言。則聽不盡已飛去，懷抱此時誰與論。

答黃生

冰泥斷道雪塞門，遠坊累日無行人。臥聞喧呼誰叫閹，稚子往問鹿駭奔黃生。學詩用一作角力新，急手疾口如翻盆。衝風踏凍送七言，要令寒屋回春溫。是時積陰又黃昏，叫鬧索火驚四鄰。邈來結字穩且勻，豈不見我參寥君。嗟吾老矣心尚存，後來得子空馬羣。徑須赤手縛麒麟，四大海水一口吞。丈夫意氣抗浮雲，道逢其人兩手分。妬婦拊膺王右軍。

晁無咎畫山水扇

前身一作生

阮始平，今代王摩詰。偃屈蓋，代氣萬里入方尺。朽老詩作妙，險絕天

與力君不見，杜陵老翁語湘娥。增悲真宰泣。

後山

集

卷二

五 中華書局聚

嗟哉行

張生服石爲石奴下潦上乾如渴鳥一朝債蹶須人扶伏毒未動風出虛此生
所得與昔殊韓子作志還自屠白笑未竟人復吁以身濟欲未必愚欲久而速
反所圖嗟哉偉然二大夫

九月九日夜雨留智叔

騎臺九日登臨處只有歸人醉扶路千年二謝孰可代我每苦留君只去花粗
且爲前人惜曲誤不解丞卿怒只消著帽受西風不待風流到新句

九月九日與智叔鵬堂宴集夜歸

鵬堂從昔有惡客酒盡不去仍復索欲留歌舞盡客意風雨和更作三厄佳辰
難得客更難我窮無酒爲君歡只欲泥行過白下萬一簾疎見一斑

謝趙使君送烏薪

欲落未落雪近人將盡不盡冬壓春風枝冰瓦有去烏遠坊窮巷無來人忽聞
叩門聲遽速驚雞透籬犬升屋使君傳教賜薪炭妓圍那解思寒谷老身曲直

不足言冷窗凍壁作春温定知和氣家家到不獨先生雪塞門一作席作門

謝寇十一惠端硯

百工營材先利器市道居貨如作贅書生活計亦酸寒斷甑半瓦寧求備端溪
四山下龍淵鬱積中州清淑氣金聲玉骨石為容河江屈流雲作使滑如女膚
色馬肝夜半神光際天地諸天散花百神喜知有聖人當出世沒人投深索千
丈探領適遭龍伯睡轆轤挽出萬人負千歲之藏一朝致琢為時樣供翰墨十
襲包藏百金貴北行萬里更眾目寇卿好事不計費南鄰居士卿之孫豐悴相
從不為異似憐陶瓦磨竈煤輟贈不減前人志人言寒士莫作事鬼奪客偷天
碎破龜玉韞匱與無同錦衾還客棄佳惠眾所欲得當有緣天獨於余可無意
敢書細字注魚蟲要傳華嚴八千偈

答黃生

魏衍注云時初冬尚無冬衣先生以背子贈之堅不受到家以朱氏所贖二疋寄之因作詩

我無置錐君立壁春黍作糜甘勝蜜絳袍不受故人意藥餌肯為兒輩屈割白
鷺股何足難食鷓鷯肉未為失暮年五斗得千里有媿寒簷背朝日

五子相送至湖陵

中年患別多作別早日諱窮常得窮勿云一水四十里衣冠寒郭何人同周生子病輟身出劉子遠來今幾日石家仲叔好少年頗能厭俗從吾律魏君不獨相從早自君之來吾卻掃歲月磨人孰能久反覆看渠難得好湖陵古城風日寒情義乃知生別難高懷已爲故人盡交道應留後代看

湖陵與劉生別

觸寒歷險來特特媿無以當欣有得向來憂患不相捨知子用心堅鐵石人畏有心事無難此語雖鄙理則然君今意在翰墨間他日人爭讓一先

寄滕縣李奉議

滕大夫伯陽父孫烹小鮮治大國原一得何用五千言弛災決獄人不冤盛氣走訟畏討論終歲斂吏不到門子弟無賴皆西奔踵門父老如雲屯拊髀跳跟走兒孫絳幡翠節歌頃喧畫盆戴頂煙如焚繡標綵軸箱帕繁曲躬叉手前致言畜眼未見耳不聞暮年何以答此恩請誦華嚴壽我君

和饒節詠周昉畫李白真

君不見浣花老翁醉騎驢熊兒捉轡驥子扶金華仙伯哦七字好事不復千金
摹青蓮居士亦其亞斗酒百篇天所借英姿秀骨尙可似逸氣高懷那得畫周
郎韻勝筆有神解衣槃礴未必真一朝寫此英妙質似悔只識如花人醉色欲
盡玉色起分明尙帶金井水烏紗白紵真天人不用更著山巖裏平生潦倒飽
丘園禁省不識將軍尊袖手猶懷脫靴氣豈是從來骨相屯仰視雲空鴻鵠舉
眼前紛紛那得顧是非榮辱不到處只一作恐朝來有新句勿言身後不要名
尙得吳侯費百金江西勝士與長吟後來不憂身陸沈

題明發高軒過圖

滕王蛟蝶江都馬一紙千金不當價異才天縱非力能一作窮畫工不是甘爲下

今代風流數大年含毫落筆開山川忽忘朽老壓塵底卻怪鳧鴻墮目前爾來
八二復秀出萬古河山才咫尺眼前安得有突兀復似天地初開闢明窗寫出
高軒過便逐愈湜聞吟哦晚知書畫真有益卻悔歲月來無多官禁脩嚴斷過

訪時於僻寺逢稅鞅秀潤如行琮璧間清明似引星辰上憂悲愉佚百不平河
擘太華東南傾平生秀句寰區滿掇拾餘棄成丹青平湖遠嶺開精神斗覺文
字生清新未許二豪今角立要知旁有衛夫人

擬古

盜中有聲囊不癭嚙息不如帶加緊人生七十今已半一飽無時何可忍公侯
早歲有如此奴婢尊食支夜永向來糠覈之子孫居鄰無傳家存井

贈知命

黑頭居士元方弟不肯作公稱法嗣外人怪笑那得知他日靈山親授記學詩
初學杜少陵學書不學王右軍黃塵扶杖笑鄰女白衫騎驢驚市人靜中作業
此何因醉裏逃禪卻甚真顧我無錢呼畢曜有人載酒尋子雲君家魯直不解
事愛作文章可人意一人可以窮一家怪君又以才爲累請將飲酒換吟詩酒
不窮人能引睡不須無事與多愁老不欲醒惟欲醉

大風

飛砂破面風裂石平林隱隱傾霹靂野火燎原塵漲天道聞馬嘶不相得老翁
強欲作少年立馬階除起無力城南桃李春意動少待明朝莫相失

回風行

懸流洶洶從天來南風五日鬪不開御風起枕虎著翼衝風繫纜顏死灰昨日
逆風今日回萬人莫挽才浮杯篙牽相賀天意得秋聲滿帆風倒桅天留異態
須一怒造物可得無嫌猜

贈張文潛

張侯便然腹如鼓飢雷收聲酒如雨讀書不計有餘處尙著我輩千百許翻湖
倒海不作難將軍百戰富善賈弟子不必不如師欲知其人視其主秋來待試
丞相府穀馬礪兵吾甚武問周不敵聞其語一戰而霸在此舉百年富貴要自
取入將公卿退爾汝德如墨君誰敢侮

次韻寄答晁無咎

西湖欲雨樹煙滿風葉倒垂雲覆盃望湖樓上白頭人獨倚闌干誰肯伴獨有

詩人記病身清風千里寄行塵豪華信有回天力驚開桃李鬧新春往事不回

如過雨醉夢恍然忘惡語前在澶州有讀無咎文編詩因以戲之無咎今以為言人生如幻此何尤未信

黃金貴於土愛子千篇頃刻成借將胸腹詫吾人吟哦怪有芳鮮氣卻被湖山

識姓名蘇子瞻詩云游徧錢塘湖上境歸來文字帶芳鮮文章廢退知難強身外虛華本無望何曾臨

水惜芒鞋卻解逢人拈拄杖眼根清淨塵不留登伽過盡不回頭來詩云不應越女三年留

家在中原歸未得江淮斷道無行舟兩山相逢翻手疾欲謀一笑無寧日卻慚

懷璞似周人祇可聞名不須識

送鄜州關司法

早歲相知晚相識抵掌回頭已陳迹萬里從軍壯此行一筋鱸魚留不得夜靜

關山秋月明莫聽嶺頭秋一作流水聲平世功名須少壯看君一箭下聊城

登鳳凰山懷子瞻一本作二首

蜿蜒曲龍腹山間隱樓觀孤高伏龍角浮圖刺雲漢倚林霜雪餘落葉青紅亂

想見洞中人不知時節換咳唾落江東江東兩眼中舉頭觸浮雲失脚驚飛鴻

逢人自笑謀身拙坐使紅塵生白髮入山便欲棄人間出山又與松筠別數篇
曾見使君詩前後登臨各一時妙舞新聲難得繼清風明月卻相宜朱闌行遍
花間路看盡當年題壁處更有何人問使君青春欲盡花飛去子瞻云應問使君何處去憑花
說與春風知

古怨贈關彥長

世態輕浮君莫道相逢何必論才調鉛刀快利莫助遲果下翩翩望雲老人前
安得無窮好應須富貴長年少莫教白髮更棲遲不遭毀罵逢人笑

答無咎書苑

卒行無好步事忙不草書能事莫促迫快手多麤疎君看荷葦榭缺一扇崔家

中叔三人俱掃除事物費歲月收完神氣忘形軀恍然有得奪天巧衰顏生態

能相如市師信手無贏餘一日畫出東封圖眼前百口怪神速背後十指爭挪
揄君家畫苑傾東都錦囊玉軸行盈車補完破碎收亡遺欲得不計有與無問

君此病何當祛君言無事聊自娛世間何事非迷途挾策未必賢擣菹苑中最

愛文與蘇情親不獨生同閭自謂知子誰知余叔也不癡回不愚憐君用意常
勤渠揮毫灑墨填空虛風梢雨葉出新意老樹僵立何年枯我生百事不留意
外物不足煩毆除翰墨纔能記名字模臨寫貌無工夫見溺不救危不扶獨無
一物充庖廚看君髮漆顏丹朱意氣健如生馬駒逢人不信六十餘郁然一莖
無白鬚呂公落莫起釣屠南山四老東宮須人生晚達有如此應笑虞翻早著
書

次韻蘇公蠟梅

化人乃作紺樣花何年落子空山家羽衣霓袖灑香蠟從此人間識尤物青瑣
諸郎卻未知天公下取仙翁詩烏丸雞距寫玉葉卻怪寒花未清絕北風驅雪
度關山把燭看花夜不眠明朝詩成公亦去長使詩仙誦佳句湖山信美更負
人已覺西湖屬此君坐想明年吳與越行酒賦詩聽擊鉢

奉陪內翰二友醴泉避暑

疾雷倒海不成雨墨雲御日蠶不吐深院回廊晝日一作景長青簾朱幕風鈴語

神仙中人龍作馬翠旌絳節從天下竹冠芒屨紫綺裘曳杖林間觀物化清池

一作青蓮

照眼自生涼脩竹回陰欲過廊樽酒未空高興動含毫欲下雲飛揚俗間道士業符醫未語已作庸人樣但知一扇博百金豈識雙松到千丈蠅頭小字密著行四座歡叫醒而狂忽驚天姥到庭戶風篁露草鳴寒螿回天卻日有餘力小試席間留翰墨請公慎用補天手入佐后皇和五石

送張秀才兼簡德麟

長安千門憎熱客我獨憐君來解熱呼兒具飯懶出口藜羹不糝甘一啜北州別駕玉刻麟索書往見良可人驛使別來無一字知有此情誰與親

寄子閔

煙昏曉寒風發屋行者抽篷離者哭青衫白髮兩相鮮積雪朝陽眩雙目猛虎食子有分羹潔鷺割股謀補肉妻孥不用哭窮途前府故人風義篤

贈黃氏子小德

黃童三尺世無雙筆頭滾滾懸秋江不憂老子難爲父平生崛強今心降我來

喜共阿戎語應敵縱橫如急雨生子還如孫仲謀豚犬漫多何足數黃家小兒名小德眉如長林目如漆只今數歲已動人老人留眼看他日笑君老蚌生明珠自笑此物吾家無君當置酒吾當賀有兒傳業更何須

後山先生集卷第三

此後山先生集卷第三之內容，因影像模糊，文字難以辨認。其內容應為若干首詩詞，但具體字樣無法提取。

後山先生集卷第四

詩 五言律

寄外舅郭大夫

巴蜀通歸使妻孥且舊居深知報消息不忍問何如身健何妨遠情親未肯疎
功名欺老病淚盡數行書

南豐先生挽詞二首

早棄人間事真從地下遊邱原無起日江漢有東流身世從違裏功名取次休
不應須禮樂始作後程仇

精爽回長夜衣冠出廣庭勳庸留琬琰形像付丹青道喪餘篇翰人亡更典刑
侯芭才一足白首太玄經

暑雨

密雨吹不斷貧居常閉門東溟容有限西極更能存束溼炊懸釜翻牀補壞垣
倒身無著處呵手不成溫

送江楚州

濠梁初得意闕里舊論詩晚歲何多難經年始一辭
淮人饑饉後良吏拊循時
欲託山陽簿翁歸不受私

送江端禮

正學元非世能詩新有聲諸公交鄭泰多士閉何生
汎愛經過數移書底裏傾
又爲淮海別兩眼向誰明

晁無咎張文潛見過

白社雙林去高軒二妙來排門衝鳥雀揮塵帶塵埃
不憚除堂費深愁載酒回
功名付公等歸路在蓬萊

丞相温公挽詩三首

恭默思良弼詩書正百工事多違謝傅天遽奪楊公
一代風流盡三師禮數崇
若無天下議美惡併成空

百姓歸周老三年待魯儒時方隨日化身已要人扶玉
几雖來晚明堂訖授圖

心知死諸葛終不羨曹蜍

少學真成己中年託著書輟耕扶日月起廢極吹噓得志寧論晚成功不願餘
一爲天下慟不敢愛吾廬

巨野

餘力唐虞後沈人海岱西不應容桀黠寧復有青齊燈火魚成市帆檣藕帶泥
十年塵霧底瞥眼怪鳧鷖

秋懷示黃預

窗鳴風歷耳道壞草侵衣月到千家靜林昏一鳥歸冥冥塵外趣稍稍眼中稀
送老須公等秋碁未解圍

送張支使

曠度逢知晚高才處下難清秋一鶚上拭目萬人看白酒初同醉黃花已戒寒
憑將衰老事一一報長安

送楊侍禁兼寄顏黃二公二首

後

山

集

卷四

一一中華書局聚

相逢今已晚同府尚經年衆口不成虎諸公更薦賢兩親須薄祿一障欲乘邊
往問顏夫子何妨試著鞭

多問黃居士終年欠一書因人候消息有使報何如向晚逢楊子真堪託後車
親年方賴祿不惜借吹噓

送外舅郭大夫夔路提刑

天險連三峽官曹據上游百年雙鬢白萬里一身浮可使人無訟寧須意外憂
平生晏平仲能費幾狐裘

雪後黃樓寄負山居士

林廬煙不起城郭歲將窮雲日明松雪溪山進晚風人行圖畫裏烏度醉吟中
不盡山陰興天留憶戴公

從蘇公登後樓

倏作三年別才堪一解顏樓孤帶清洛林缺見巴山五月池無水千年鶴自還
白鷗沒浩蕩愛惜鬢毛斑

送秦觀二首

士有從師樂諸兒卻未知欲行天下獨信有俗間疑秋入川原秀風連鼓角悲
目前狎犬類未必慰親思
師法時難得親年富有餘端爲李君御盡讀鄴侯書結友真莫逆論才有不如
折腰終不補可但曳長裾

別負山居士

田園相與老此別意如何更病可無酒猶寒已自和高名胡未廣詩興尙能多
沙草東山路猶煩一再過

次韻春懷

欲作歸田計無如二頃何折腰方賴祿拭面未傷和日下烏聲樂塵生鳥跡多
渡頭留小楫乘興得相過

別叔父錄曹

爲吏專文法成家託弟昆三年如昨日一笑更何言扶老須微祿移官實至恩

兩疎元父子何日復東轅

泛淮

冬暖仍初日潮回更下風
鳥飛雲水裏人語櫓聲中
平野容回顧無山會有終
倚牆聊自逸吟嘯不須工

十五夜月

向老逢清節歸懷託素暉
飛螢元失照重露已霑衣
稍稍孤光動沈沈萬籟微
不應明白髮似欲勸人歸

胡士彥挽詞二首

晚進道前輩平生闕異聞
吾猶識此老天豈喪斯文
善學家傳業英詞世不羣
固應譏尙白官序見楊雲
此地來何晚經年見未頻
薦賢仍睹命有道可辭貧
徒第三千子聲名四十春
襄陽耆舊內無復姓龐人

雪

初雪已覆地晚風仍積威木鳴端自語鳥起不成飛寒巷聞驚犬鄰家有夜歸
不無慚敗絮未易泣牛衣

晚出

應俗敢辭疾衝風寧小驅聊爲一日役不憚百金軀雪路無行迹冰枝有落烏
寒門閉蕭瑟窮里聽獻吁

寄答李方叔

平生經世策寄食不資身孰使文章著能辭轍跡頻帝城分不入書札詎何人
子未知吾懶吾寧覺子貧

智寶院後樓懷胡元茂

晚渡呼舟疾寒城著靄深昏鷗明鳥道風葉亂霜林久客登樓目中年懷舊心
猶須一長笛領覽自霑襟

元日

老境難爲節寒梢未得春一官兼利害百慮孰疎親積雪無歸路扶行有醉人

望鄉仍受歲回首望松筠

放懷

施食烏鳶喜持經鳥鼠聽杖藜矜矍鑠顧影怪伶俜門靜行隨月窗虛臥見星
擁衾眠未穩艱阻飽曾經

送伯兄赴吏部改官

先子初增秩年侵鬢已皤念兄今善繼此別喜如何親老家仍困門衰仕未多
猶須教兒子早要中文科

寄張文潛

今代張平子雄深次子長名高三俊上官立右螭傍車笠吾何恨飛騰子莫量
時平身早達未用夢凝香

後湖晚坐

水靜靜一作淨偏明眼城荒可當山青林無限意白鳥有餘閒身致江湖上名成伯

季間目隨歸雁盡坐待莫鷗還

送孝忠二首

老眼元多淚春風見此行久爲貧賤別更覺急難情
斗食吾堪老詞場爾向榮未須憐野鷺家法付宣城

經史三年學聰明一旦開把文甘潦倒數日待歸來
士患聲名早官今歲月催有親須薄祿臨路尙徘徊

寄張宣州

與世情將盡懷仁老未忘故人今五馬高處謾三長
詩豈江山助名成沈鮑行肯爲文俗事打鴨起鴛鴦

西湖

小徑才容足寒花只自香官池下鳧雁荒塚上牛羊
有子吾甘老無家去未量三年哦五字草木借輝光

別月華巖

寓世生同里隨方去有情來爲百年別不惜片時程
齋鉢須勤供經鐘莫倦鳴

當來第三會此界卻逢迎

送吳先生謁惠州蘇副使

聞名欣識面異好有同功我亦慚吾子人誰恕此公百年雙白鬢萬里一秋風
爲說任安在依然一禿翁

別觀音山主

會合應生理過逢豈近緣情親見今日語妙記當年閉戶安禪主衝風逆水船
不應清夜月故作別時圓

離穎

河市千人聚寒江百尺牽吾生能幾日此地費三年叢竹防供爨池魚已割鮮
拙勤終不補他日愧無傳

湖上

湖上難爲別梅梢已著春林喧鳥啄啄風過水鱗鱗綠有三年盡情無一日親
白頭厭奔走何地與爲鄰

病起

今日秋風裏何鄉一病翁力微須杖起心在與誰同
灾疾資千悟冤親併一空
百年先得老三敗未爲窮

九月九日魏衍見過

節裏能相過談間可解憂致疎君未肯得此我何由
語到君房妙詩同客子遊
一經從白首萬里有封侯

次韻無斃偶作二首

肩聳三峯峻眉龐八字橫玄談人絕倒家法句新清
八駿先張子諸公少賈生
已傳烏鵲喜欲聽鶴鶩聲

此老三年別何時萬里回更無南去雁猶見北枝梅
會有哀籠鳥寧須溺死灰
聖朝無棄物與子賦歸哉

次韻晁無斃除日述懷

世學違從衆名家最近天感時猶壯志得句起衰年
衰酒無何飲陶琴不具絃

平生揮翰手幾見絕韋編

次韻無斁雪後二首

閉閣春雲薄開門夜雪深江梅猶故意湖雁起歸心
草潤留餘澤窗明度積陰
殷勤報春信屋角有來禽

取性無通介隨時有異同雪餘蓋地白春淺著梢紅
寄食虛長算

魏衍注云時先生婦翁郭

大夫曹州使宅
晁時為州教官

論詩闕近功相看不相棄賴有古人風

河上

背水連漁屋橫河架石梁窺巢鳥鵲競過雨艾蒿光
鳥語催春事窗明報夕陽
還家慰兒女歸路不應長

寄無斁

敬問晁夫子官池幾許深已應飛鳥下復作臥龍吟
待我中痾愈同君把臂臨
泥塗無去馬夏木自來禽

宿深明閣二首

窈窕深明閣晴寒是去年老將灾疾至人與歲時遷默坐元如在孤燈共不眠
莫年身萬里賴有故人憐
縹緲金華伯人間第一人劇談連晝夜應俗費精神時要平安報反愁消息真
牆根霜下草又作一番新

除夜

七十已強半所餘能幾何懸知莫景促更覺後生多遁世名爲累留年睡作魔
西歸端著便老子不婆娑

別寶講主

此地相逢晚他方有勝緣咒功先服猛戒力得扶顛暫息三支論重參二祖禪

趙州臨濟
皆曹人也

夜牀鞋脚別何日著行纏

老柏三首

并序

勝果院後庭有柏見之二十年矣疎瘦如故余寓其舍數以水澆之遂有生

意

庭柏無生意摧殘二十秋稍霑杯水潤已與歲寒謀黃裏青青出愁邊稍稍瘳
會看笙鶴下暮雀莫深投

英姿帶枯槁勁節闕和柔物理有興壞人情成去留稍看棲鳥集聊待晚風秋

解道庭前柏何曾識趙州

歲月那能記風霜亦飽經槁乾仍故節潤澤出新青色與江波共聲留靜夜聽
輝輝垂重露點點綴流螢

次韻螢火

年侵觀物化共被歲時催熠熠孤光動翩翩度水來稍能穿幔入已復受風回
投卷吾衰矣微吟子壯哉

次韻夏日江村

漏屋簷生菌臨江樹作門捲簾通燕子織竹護雞孫向夕微風一作涼進相逢故

意存一作霑衣何當加我歲從子問乾坤

次韻觀月

風雲隨落日河漢欲回天
隔巷如千里還家已再圓
簾疎分細細江淨共娟娟
他日吾何適聽詩說去年

夏夜有懷

臥念張居士逃名老石根
學詩端得瘦識字卽空樽
鳴笛夜宜遠燈花曉更繁
未須哀老子也復守邱園

觸目

溪響饑魚食川明柱影斜
驚禽穿密竹噪鵲立浮查
谷暗山藏雨林喧雀啐蛇
鄉閭等行路何處一作自更爲家

送高推官

先生鍾舊德大府冠羣能
過手無難事逢人有異稱
薦賢餘一鶚夙記契千燈
看挽秦梁纜頭頭數不勝

柏

用直寧論世名成不待官
低枝緣我有偃蓋到誰看
秀色有新故英姿無暑寒

要爲千載計豈慮萬牛難

捕狼

一狼將四子二嶺走千羊意得無前敵時乖闕後防寧知射生手已發弩機張
會便烏鳶飽空令豺虎傷

和元夜

笳鼓喧燈市車輿避火城彭黃彭祖樓爭地勝汴泗迫人清梅柳春猶淺關山

月正一作自明賦詩隨落筆端復可憐生

登快哉亭

城與清江曲泉流亂石間夕陽初隱地暮靄已依山度鳥欲何向奔雲亦自閑
登臨興不盡稚子故須還

春夜

宿鳥一枝足爭林終日鳴庭花當戶發江月向人明鳥度清溪影風回晚市聲
夢中無好語池草爲誰生

登燕子樓

綠暗連村柳紅明委地花畫梁初著燕廢沼已鳴蛙鷗沒輕春水舟橫著淺沙
相逢千歲語猶說一枝花

楝花

密葉已成蔭高花初著枝幽香不自好寒豔未多知會見垂金彈聊容折紫綫
粉身非所恨猶復得聞思

送河間呂令

子固甥

今日中牟令當年太守孫獨能憐此老肯避席爲門寒日風濤壯邊城簿領繁
平生子曾子白首得重論

寄潭州張芸叟二首

湖嶺一都會西南更上游秋盤堆鴨脚春味薦貓頭宣室來何暮蒸池得借一作
惜留孰知爲郡樂莫作越鄉憂

去國如前日爲邦得舊游霜柑先落手春鴈幾回頭只道風沙惡寧知賈宋留

賦詩真有助弔古不同憂

送曹秀才

甲第衣冠後東遷歲月侵情親期一諾急病闕千金孰並還家樂毋忘在苦心
時能記衰病聲迹到雲林

杜侍郎挽詞三首

美政真吾母名家更杜陵于張從昔少魯衛至今稱絲竹中年好詞華夙世能
周南棠棣傳平世幾人登

驥驟方懷遠松筠忽有秋雍容名士數終始法家流凜凜驚千載堂堂閱一邱
能令羊季子不肯過西州

身去風流在人難玉石分平生才一見治行已多聞更覺知音少還修地下文
宅年九原淚仍是兩馮君

黃預挽詞四首

敏慧仍江夏風流更妙年貧焚酒家券病得里胥錢精爽來鷹隼清明瀉澗壑

無兒傳素業有淚徹黃泉

骨秀神仙數詩清雅頌才識高懸日月韻勝絕塵埃去就堪同事摧殘盡一哀
了知天上去不似世間來

志大期千里身宜置一邱英詞真蓋世爽氣已橫秋地要黃金骨天成白玉樓
平生斲泥手斤斧恐長休

玉筋凝潮後絲桐藝業餘遠途憎早悟曠度得中疎子逝今何遽吾生孰與居
豈無文士傳未有茂陵書

秋懷四首

積雨不受暑既晴還得秋未免困河魚寧如喘吳牛風梧有先聲巢燕無後留
人生行樂爾一經今白頭

小雨斷復續回斜落晚風寒心生蟋蟀秋色傍梧桐草與遙山碧花欺晚照紅
口須談世事目已失飛鴻

山斷開平野河回殺急流登臨須向夕風雨更宜秋急急後飛鴈翩翩不下鷗

晚舟猶小待莫雀已深投

梨垆當千戶魚防擁萬頭寧須一網盡不爲百人留密雨點急水驚風擘繫舟
百年供轉徙因病得夸猶

元日雪二首

半夜風如許平明雪皓然簾疎穿瑣細竹壓更嬋娟窘兔走留迹饑鳥鳴乞憐
遙忻炎海上還復得新年

度臘闕三白開正還積陰炊煙茅舍溼噪雀莫枝深短髮千方誤中年萬里心

成書著巖穴或有後人尋

闕三白一作閱三白

送張蘄縣

接祿才餘歲爲邦近故園案圖三萬戶鎮靜五千言雪盡春泥滑風生沙水昏
猶須放琴客坐席稍能溫

送何子溫移亳州三首

治出龍城守名高水部郎清明人共識風味獨難忘骨立秦書瘦鬚粘檜蜜香

烹鮮師老耳曳尾肯蒙莊

青衿曾誦賦皓首始登門
意得寧論晚心交不待言
向來期北上可復改南轅
嘗請湖越而得毫 畫地數佳政叢談何處村

復作中年別仍懷後日憂
關山遮極目汴泗只東流
政好遭頻借詩清得暗投
會看靈壽杖扶出富民侯

覽勝亭

斷岸通橫水吹花滿繫船
中年擅幽獨輟食買林泉
草木真宜主江山故作妍
升沈有流轉且復賦歸田

何太沖挽詞二首

課最三川守名成萬石君
平生欠一識聲烈卽多聞
兜率真歸處琴臺只斷雲
傷心今夜月忍便到初墳

哀挽諸儒競豐碑故吏繁
素車紛雨泣丹旄與風翻
幾地留遺愛宅年作九原
涕流耆舊盡不獨爲鄉園

後

山

集

卷四

送大兄兼寄趙團練

貧有分離苦官無早晚宜又為千里別未覺十年遲日與江山遠風連草木悲

平生劉子政見可只一作論詩

送張秀才

學又三年積功收一日長擅場推老手附尾得一作諸郎度鳥界晴碧過雲回

夕黃孰知詩有驗莫愠路無糧

送智叔令咸平

二謝將能事重陽只故臺固須衝節去便恐帶秋回敏捷才無盡鋪張意有開

猶須記衰疾書與鴈同來

壽安縣君挽詞

兩大推平日三從播後聲憂勤登上壽簫鼓閉佳城總布千人從松楸十里行

哀榮動鄰里點筆競諸生

寄張大夫

只應青眼老尙記白頭翁一別今何向三年信不通不應書字倦未有北來鴻
肯作彭城守何時馬首東

懷遠任淵注云此詩屬東坡

海外三年謫天南萬里行生前只爲累身後更須名未有平安報空懷故舊情
斯人有如此無復涕縱橫

答田生

酒亦有何好人今未肯忘苟無愁可解何必醉爲鄉賸欲論奇字終能諱祕方
直饒肌骨秀正要畫眉長

寄張學士

舜民

湖海三年別譙徐一日間經時猶未見凡事信多艱理極那須說情生不自還
從來闕聲問相見若爲顏

雪中寄魏衍

薄薄初經眼輝輝已映空融泥還結凍落木復沾叢意在千山表情生一念中

遙知吟榻上不道絮因風

送澶州錄曹宋參軍

宦遊男子事訪別故人情能吏于今少春風及此行英雄餘戰伐
狂獄寄廉平未肯輕衰疾人來闕寄聲

早春

度臘不成雪迎年遽得春水開還舊綠魚喜躍修鱗柳及年年發
愁隨日日新老懷吾自異不是故違人

後山先生集卷第四

呈許生簡只欲累家對更酸各未可半交尋

只願春無去情

只願春無去情

後山先生集卷第五

詩

五言律
五言排律

寄酬咸平朱宣德

叔智

冥冥超世網蔚蔚秀儒林他日熟看面今時初得心
白頭無故意異代有同音
短綆徒施巧終然莫汲深

歸鴈二首

弧矢千夫志瀟湘萬里秋寧爲寶箏柱肯作置書郵
遠道勤相喚羈懷誤作愁
聊寬稻梁意寧復網羅憂

作計胸懷早爲生去住頻固違陰嶺雪不盡洞庭春
巧作斜行字催歸去國人
知時如有信決起亦相親

和寇十一同遊城南阻雨還登寺山

雨阻遊南步泥留逐北情稍看飛霧斷復作遠山橫
野潤膏新澤樓明納晚晴
歸宜有佳思紗帽壓香英

和寇十一雨後登樓

秀嶺歸雲裏華譙夕照中登臨初一作終不數吟笑近多同麥秀知春力和驗

歲豐豫爲逃暑約一快楚臺風

答寇十一惠朱櫻

故人憐一老輟食寄三山厚味非貧具先嘗愧客閒甘酸俱可口衰白不宜顏
句妙那能繼情深未覺慳

元符三年七月蒙恩復除棣學喜而成詩

老作諸侯客貧爲一飽謀折腰真耐辱捧檄敢輕投早作千年調中懷萬斛愁
莫年隨手盡心事許溟鷗

登寺山

晴山堪著眼別意不勝秋小作三年別聊爲五斗謀要須乘下澤不待到壺頭
預恐登臨處長思馬少游

答寄魏衍

往昔敦朋好猶能作報書老衰渾得懶疎密略相如名墮網中蝶身隨冰底一作
下魚填門車馬客左席爲君虛

別鄉舊

數有中年別寬爲滿歲期得無魚口厄聊復鴈門踦齒脫心猶壯秋清意自悲
平時一作生郡文學鄧禹得三爲

爛石村

亂石何年爛千林昨夜黃曉耕來鳥雀麥隴縱牛羊投老須微祿持身鬪十長
洗心聞吉語時事信難量

別叔父崑山丞

父子兼知己扶攜共白頭又爲千里別未使寸心休鳥雀空庭曉風霜落木秋
近親零落盡更覺別離愁

黃樓

樓以風流勝情緣貴賤移屏亡老畢篆市發大蘇碑更覺江山好難忘父老思

只應千載後覽古勝當時

寒夜

閉戶風將雨通宵浪打頭若爲中夜聽復作別時愁宿鴈鳴漁火村春急暗投
不應田二頃能使寸心休

住鴈

斷岸通橫水枯荷著早霜一陂堪度歲數鴈不成行市遠無繒繳年豐足稻梁
中原有佳氣不必到衡陽

寓目

曲曲河回復青青草接連去帆風力滿來鴈一聲先野曠低歸鳥江平進晚牽
望鄉從此始留眼未須穿

野望

霜葉紅於染吹花落更馨平江行詰曲小徑夾葱青度鳥開愁眼遙山入畫屏
畏人惟可飲從俗卻須醒

寄兗州張龍圖文潛二首

去國遭前政還家未白頭百年當晚遇一辱獨先收齒脫空餘舌顏衰早著秋
三爲郡文學大勝鄧元侯

賸喜開三面旋聞乞一州力難隨鳥翼行復立螭頭今日麒麟閣當年鸚鵡洲
寄書愁不達書達得無愁

家山晚立

遶舍苔衣積倚牆梨頰紅地平宜落日野曠自多風禹迹千年後家山一顧中
未休嗤土偶已復逐飄蓬

寒夜

一夜風澎湃中宵月脫雲到窗資少睡遠響倦多聞星火遠相亂江山氣不分
早雞先得便斷鴈屢鳴羣

山口

重霧真成雨疎簾不隔風青林擁紅樹家鶯雜賓鴻漁屋渾環水晴湖半落東

往來成一老猶在半塗中

晚泊

清切臨風笛深明隔水燈堆場穿鳥雀暗溜入溝塍年使一作策倚扶行老船催趁

渡僧茲遊恐未已著句續先曾

夜雨

十月天猶雨一作暖三更月失明溟濛才灑潤點滴不成聲關戶風煙入投林鳥

雀輕旅懷終易感倏起別離情

宿合清口

風葉初疑雨晴窗誤作明穿林出去鳥舉棹有來聲深渚魚猶得寒沙鴈自驚

臥家還就道自計豈蒼生

宿泊口

弱柳輕寒色懸流盡夜聲更長宜睡少霜落怯寒生急急占星度搖搖若舫傾

風濤兼盜賊恩重覺身輕

野望

山開兩岸柳水遠數家村地勢傾崖口風濤齧石根平林霜著色沙岸水留痕
賸寄還鄉泣難招去國魂

顏市阻風二首

水到西流闊風從北極來聲驅峽口拆力拔嶺根摧突兀重重浪轟厖處處雷
順流看過舫更著快帆催

萬古梁山泊今年未稱船阻風兼著雪費日亦忘年世事元相忤衰懷忍自煎
晚來聲更惡始覺畏途邊

晚坐

柳弱留春色梅寒讓雪花溪明數積石月過戀平沙病減還增藥年侵卻累家
後歸栖未定不但只昏鴉

寒夜

留滯常思動艱虞卻悔來寒燈挑不焰殘火撥成灰凍水滴還歇風簾掩復開

孰知文有忘情至自生哀

晚興

去國猶能別逢人始欲愁不干遮極目自是怯回頭布網收魚慘連筒下釣鉤
誰初教鮮食澤竭未能休

宿齊河

燭暗人初寂寒生夜向深潛魚聚沙窟墜鳥滑霜林稍作他方計初回萬里心
還家只有夢更著曉寒侵

別劉郎

魏衍注云宣義之壻六年之別
先生喪母劉喪父故其詩哀甚

一別已六載相逢有餘哀公私兩多事災病百相催無酒與君別有懷向誰開
深知百里遠肯爲老夫來

趙巖

一市萬人聚四衝千里遙胡然不作邑兼自可成橋羣盜去無迹諸豪壓不驕
由來天下事浮議易傾搖

雞籠鎮入棧州界

河市新經集雞籠舊得名初聞北人語意作故鄉聲客久艱難極情忘去就輕
空虛仍廢忘何以慰諸生

除官秘書省正字

扶老趨嚴召徐行及聖時端能幾字正敢恨十年遲肯著金根謬寧辭乳媪譏
向來憂畏斷不盡鹿門期

送謝朝請赴蘇幕

好合同黃卷情親須一作更

白頭胡然落丹墨不坐致公侯沙軟留徐步

魏本作山合遮

西顧塗上白字未注

潮回趁急流平生湖海興日夜逐行舟

欽聖憲肅皇后挽詞二首

二妃端協帝三后共興周決策天同力收功語不流權宜從殺禮末命尙深憂
鬱鬱佳城閉終天配壽邱

復辟先元約長年損積憂春移柏城仗仙去帝鄉遊德並塗莘敏功臨馬鄧優

千秋修故事車馬戒如流

欽慈皇后挽詞二首

二祧從孝祀五典載虞嬪顯號追先志陰功見後人承顏親不待罔極痛如新
未有如椽筆光容可得陳

靈岳占佳氣琳宮闕寶衣膺期

一作一應祈

符寶曆錫號煥皇扉日月堯同數謳歌啓

與歸傷心五雲去不見六龍飛

大行皇太后挽詞二首

德名三后並母道兩朝尊勇決高千古危疑定一言先期還政事隆禮改山園

哀挽西郊道雲愁晝亦昏

扶日行黃道乘雲上紫微憂勞形末命恭儉見陳衣布德開刑網和戎戢武威
要知懷惠處行路涕交揮

追尊皇太后挽詞二首

欽慈

彤管書陰教皇圖載德容漢宮先夢日代邸近乘龍喬岳藏遺服青門啓故封

從今祠百世清廟配商宗

典冊尊徽號欽慈煥德名終身聞舜慕歷月見堯生兵衛嚴天仗車輿轉帝城
故匳脂澤在哀感倍皇情

王察院挽詞二首

施報終何在窮通共一空兩言成益友百代仰高風終始無遺恨恩榮託至公
不應埋直氣會見吐長虹

良貴官何與長年死不亡身須禦魑魅氣已懾豺狼不盡胸中蘊猶堪地下郎
豈惟吾道慶編簡亦輝光

舅氏新齋

堂因竹柏有花與歲時闌欲作終年計長留別眼看色侵杯酒重子熟落聲乾
只有林園主相期耐歲寒

答王立之

每逢無可語暫阻卽相求解卷初增氣開懷得寫憂昏煙宜帶雨風樹更添秋

絕唱猶多和先衰怯一作卻後酬

和過田承君

寺古專宜僻居深自作幽興來寧憚遠句苦不緣愁逸氣無前足虛懷不繫舟
逢人難晤語冒雨亦相求

山口

湖闊疑無地河回忽見山登臨聊自試衰疾致身閑四壁寧虞盜多方莫駐顏
無風回遠笛有月待人還

次韻夜雨

暗雨來何急寒房客自醒驟看燈閃閃擬對竹青青聲到江干盡風回葉上聽
更長那得晚欹側想儀刑

晦日

人老時情薄春深花意微暄寒南北異風俗古今違卽事無同異旁觀有是非
食蔬如許瘦飽肉未須肥

登城樓

城郭春容晚因行可當遊飛來雙蛺蝶自去一浮鷗峽嶮山將合江平水卻流
同來端與盡且爲小遲留

奉賀陳聖子

合譜兒童歲爲僚一再秋初聞消息報已作別離憂急雪將無路寒江欲斷流
相逢寧易得端爲小遲留

和王子安至日三首

近節翻多事爲家不亦難老成須藥力愁絕向誰寬凍雨能妨夢朝霜故作寒
衰顏心自了不待鏡中看

物理有終極人情從往還陰陽消長際老疾去留間申白徒懷惠巢由不買山
更歌吾和汝風日稍侵顏

晨起公私迫昏歸鳥雀催百年忙裏盡萬事醉間來竹雨深宜晚江梅半欲開
風燈挑不焰寒火撥成灰

送張衡山

昔別青衿子今爲白髮翁此行何日見多難向來同官事酣歌裏湖山秀句中
風塵莫回首留眼送歸鴻

除夜對酒贈少章

歲晚身何託燈前客未空半生憂患裏一夢有無中髮短愁催白顏衰酒借紅
我歌君起舞潦倒略相同

庚辰三月上旬登白門閑望

昔別子未仕人言詩有神預知河嶺阻不作往來頻剩喜今猶學須知祿爲親
五陵花滿眼作意莫禁春

送王君玉赴試

汝穎諸王後風流獨此人談鋒堅百戰筆力舉千鈞得士吾無愧多聞子未貧
平生三學士相見定相親

奉送闔醇老推官

古今猶異俗鄒魯尙多儒簿領三年責雲霄一武趨數過忘潦倒惜君更斯須
說與晁夫子今年雖也無

答李簿

老去才先盡春來酒屢空甘爲耕釣手畏作囁嚅翁與罪寧無說言詩新有功
不堪須野鷺似欲吐長虹

九月十三日出善利門

十載都城客孤身冒百艱一飢非死所萬里有生還去國吾何意歸田病不關
共看霜白鬢似得半生閑

送章推官

從事有多譽還家能少留持杯猶賴尾解纜卽沙頭好事今猶壯論文老自休
風埃留我老說與五湖秋

湖上晚歸寄詩友四首

髭髮難藏老湖山穩寄身卻尋方外士招作社中人霜葉深於染秋花晚自春

無人還有礙詩卷莫辭頻

蓑笠宜多病衣冠錯致身清愁偏待客白髮解禁人江月深留雪山梅借探春
興從湖上發詩爲道人頻

功名違壯志戒律負前身劉德長欺客王融卻笑人殘年憎送歲病眼卻逢春
杖屨知何向如公未厭頻

紅綠羞明眼欹斜久病身年齡不待命湖海卻留人點滴花間露新鮮柳上春
情懷將底用詩外不須頻

寄答顏長道二首

薄命猶多難浮生未定居故人憂已矣千里問何如白髮羞明鏡青燈怯細書
不曾知史館何用索枯魚
貧病憂居士雕蟲累壯夫不能羞齒頰幸免葬江湖疲馬甘垂首遊鷹不應呼
爲誰歸未得山水故鄉居

春晚遊寶雲寺

繁杏青猶小幽花落更香日隨雲雨斷恨與水風長
螳子何緣鬪蜂兒有底忙
山人能棄世遊子不思鄉

夏日書事

花絮隨風盡歡娛過眼空窮多詩有債愁極酒無功
家在斜陽下人歸滿月中
肝腸渾欲破魂夢更無窮

賀關彥長生日二首

吉夢熊羆後名家韋杜旁風霜隨氣節河漢借文章
漢相功名晚周南德化長
欲申千歲祝願奉故人觴

經術宜傳世清明正得秋德優高士傳名重賦家流
短袖妨妍舞青衫負白頭
待看靈壽杖扶出富民侯

錢塘寓居

山水如相識豪華異昔聞聲音隨地改吳越到江分
門閉蕭蕭雨風催緩緩雲
會隨麋鹿去長謝犬羊羣

寄寇荆山

曠土三年別荆山一顧中百千人欲死四六老能工脫帽頭應白求田意欲東
口須論世事目已失飛鴻

還江山

夜夜滄洲夢歸心劇旆懸呼童買輕舸拂榻下平川
颯浪潮如鬪凌風岸若牽江鄉厭回首行及棟花天

雜題二首

亂水交如線羣山翠作屏寒輕春稍稍雪盡麥青青
霜草猶疑滑風林漸喜聽生涯鞍馬上歲月短長亭

泥雪纔通脚煙雲復結陰遲留隨處處簾幕靜沈沈
去鴈懷歸意來禽欲好音稍寬溝壑辱不憚二毛侵

秋後五日應物無詩豈年志俱壯未解傷秋耶以詩挑之

伏盡暑猶壯秋生涼故遲蟬吟接遠響螢燭度深枝
歲半身仍健年深意自悲

情知寇公子不作感秋詞

寄晁說之

閱世真難記如君自不忘尙一作向於書太簡正以懶相妨共有還家樂終無卻

老方莫須憂潦倒未許細商量

再贈寇司戶

仕宦諸儒底名成一戰中酒爲千日計詩費幾生功戲馬章臺下呼鷹上蔡東
少年豪俠窟杵臼得梁鴻

鉅野泊觸事

蒲港牽絲直平湖墜鏡清順流風借便捷路雪初晴鳥度欲何向鷗來只自驚
有行須快意安得易爲情

東阿

慟哭東阿縣傷心莫與論卻思當痛日敢望此身存舉目人將母回頭影弔魂
更堪悲手足孤稚滿船門

甲亭

峻壁亭臨水橫陂樹徹山兩河惟甲氏數柏共蒼顏隨意遊成適回舟月與還
早知乘下澤不再結青綸音關

遊鵲山院

積石橫成嶺行楊密映門人聲隱林杪僧舍遶雲根頓懾塵緣盡方知象教尊
只因羊叔子名字與山存南豐先生出守日常遊是院

登鵲山

小試登山脚今年不用扶微微交濟灤歷歷數青徐朴俗猶虞力安流尚禹謨
終年聊一快吾病失醫盧山因扁鵲而名

別威德寺

三宿城隈寺輕齋類老禪暫來真偶爾適去更脩然笑別留春塢行尋下瀨船
此身猶斷梗飄泊且隨緣

雜題

春水漲湖田先尋滬濱船隔江爭問主入市不論錢味得尊尤滑香因豉更便
他年棟花落追憶漫流涎

和董判官寺居作

共作東州客同棲古寺深論交非有舊不見解相尋冷過清明節悲生故國心
此身隨所寄未足問升沈

贈白闍梨

餅錫倦西東歸來一榻空宗乘能自判文學更兼通講徹夜堂月定回枯樹風
無從參淨社回首倦飛蓬

舒御史太夫人挽詞

回合蔣山秀佳城去域中珮環無曉日蘋藻自春風斷髮人何在捐金事已空
遂移男子孝更作直臣忠

和賈明叔秋晚見懷

陋巷少行迹故人車馬稀世情方汨沒吾道肯依違萬葉迎風脫孤雲帶月歸

獨憐高義在猶肯問柴扉

望夫石

磧戍人何在秋霜志不移無言息嬌怨有淚舜娥悲山靜雲盤髻江空月印眉
誰將望遠意歌作送征詩

夏杪

一室青蕪長終朝靜不譁聖賢開美酒子母破新瓜綠篠初翻籜紅蕖稍薦花
咄嗟功業晚覽照鬢初華

虞美人草

幽草默通神舊題虞美人長言方度曲應節若翻身律呂聲相應雲龍氣自親
無情猶感會不獨在君臣

沈道院有水墨壁畫奇筆也惜其窮年無賞之者賈明叔請余同賦

壁間水墨畫爲爾拂塵埃草樹精神出溪山氣勢回路從沙嘴斷人自渡頭來
莫怪知音少牙絃匣不開

同蘇不疑避暑法缺一字寺

酷暑不可處相將尋晝涼清談廢廣廈甘寢就方牀蓮剝明珠滑瓜浮紺玉香
因知北窗臥自信出羲皇

和彥詹題遠軒

開窗得遠意興出杳冥間芳草日邊路片雲天外山好花和露斲修竹夾藤刪
每許南鄰伴時來一寄顏

寄君玉

不見紫霄翁侵尋鬢已蓬倦遊鄉域異歸夢夙宵同愛酒貧應甚吟詩老更工
清時公道在未足歎途窮

次韻游花洞

遠洞容徐步繁英故壓枝錦衾堆襞積春事向離披作意真成誤尋芳似較遲
預爲來歲約及早共瑤卮

夜坐有懷一作秋懷

後

山

集

卷五

瑣瑣重門閉蕭蕭一再更

一作稍稍昏煙集 寥寥一再更

短檠昏細字高枕笑

一作忘

平生來鴈

防身早

一作妨身健

秋陽換眼明已須甘酒力不用占時名

一作永言鄰里舊心肯向人傾

送張芝卿

相逢已偶爾告別更蒼然離合驚時換行藏乃世緣君無學干祿我亦賦歸田

泗水秋山外長安夕照邊

行次舊縣寄立之

歲晚方奔命春期作過賓逢君爲地主顧我拙謀身官是二年客情緣一日親

將身隨斗食應作未歸人

送晁奉議高郵判官

公族仍前輩都城早與遊士窮須祿食才大豈身謀雪嶺無歸鳥冰河有去舟

平生湖海意不爲有魚留

獨坐

文章平日常事風竹暮年須衰疾懸知此霜毛不更除一邱吾欲往百畝有如無

魑魅須游子乾坤著腐儒扣門聞啄木勸酒有提壺門逕無行迹秋來不遣鋤
和黃充實石榴花

春去花隨盡紅榴暖欲然後時何所恨處獨不祈憐葉葉自相偶重重久更鮮
流珠沾暑雨改色淡朝煙著子專寒酒移根擅化權愧非無價手刻畫竟難傳

和黃預久雨

甲子仍逢夏連朝雨脚垂黑雲玄甲駐鐵騎冷官馳映日還蒙霧懸麻卻散絲
頽牆通犬豕破柱出蛟螭野潤風光秀涼生枕席宜撥雲開日月噴井出虹蜺
貧可留須捷恩當記屢屢蒼頭行冒雨赤脚出衝泥詩好聲生吻書工手著胝
衰年得佳句懷抱頓能移

同道士錢泠然尋澗水源

曉領黃冠子步尋東澗源施筇探清淺垂手弄潺湲岸閣殘花片槎留積漲痕
鳳潛丹穴邃龍臥古潭渾修竹青垂蔭長蘿翠可捫忽驚穿藥圃不覺到雲根
磴外看飛鳥崖邊見飲猿援琴寫山水布席坐蘭蓀白石支碁局青沙藉酒尊

醉歌歸路穩洞口月黃昏

五言賀雨

六月鄞江旱焦勞刺史憂戴星趨洞府踏月叩龍湫引咎青章設爲壇古法修
山川將爾徧牲幣豈吾留帝意茲回眷神聰俯應求油雲潛感召靈雨忽滂流
急勢朝翻幕寒聲莫咽溝餘波平浦嶼翠色蔽田疇池閣消殘暑閭閻慶有秋
邦民無以謝惟起載途謳

後山先生集卷第五

後山先生集卷第六

詩七言律

九日寄秦觀

疾風回雨水明霞沙步叢祠欲暮鷗九日清樽欺白髮十年爲客負黃花登高
懷遠心如在向老逢辰意有加淮海少年天下士可能無地落烏紗

次韻李節推九日登南山

平林廣野騎臺荒山寺鳴鐘報夕陽人事自生今日意寒花只作去年香巾欹
更覺霜侵鬢語妙何妨石作腸落木無邊江不盡此身此日更須忙

送趙教授

束髮相看到白頭了知公鬢不勝憂可堪親老須三釜又看儒冠忍一羞平世
功名須晚節向來旬月取封侯北州豪傑知誰健乞我黃淤十里秋

贈歐陽叔弼

早知汝穎多能事晚以詩書託下僚大府禮容寬懶慢故家文物尙嫖姚只將

憂患供談笑敢望功言答聖朝歲歷四三仍此地家餘五一見今朝

徐氏閑軒

倦游梁楚愛吾廬老寄山林孰與娛想見杖藜臨過鳥更能赤手縛於菟君寧
平世輕三釜我亦東原有一區擬買嬋娟作歸計可無堆玉斗量珠

送蘇迨

胸中歷歷著千年筆下源源赴百川真字飄揚今有種清談絕倒古無傳出塵
解悟多爲路隨世功名小著鞭白首相逢恐無日幾時書札到林泉

次韻蘇公督兩歐陽詩

吟聲正可候蟲鳴酒面猶須作老兵豈有文章妨要務孰知詩律自前生向來
懷璧真成罪未必含光不屢驚血指汗顏終縮手此懷端復向誰傾

送趙承議

先生隱德世難名晚見諸孫也自成潁水向來須好句道山今日有宗英林湖
更覺追隨盡巾帽猶堪語笑傾勤苦讀書終不補未須牆角棄長檠

寄李學士

眼看游舊半東都五歲曾無一紙書平日齊名多早達莫年同國未情疎稍尋
東剎論茲事賴有西方託後車說與杜郎須著便不應濠上始知魚

寄侍讀蘇尚書

六月西湖早得秋二年歸思與遲留一時賓客餘枚叟在處兒童說細侯經國
向來須老手有懷何必到壺頭遙知丹地開黃卷解記清波沒白鷗

寄亳州林待制

湖海相望闕寄聲雲林過雨未全晴青衫作吏非前日白首論文笑後生似聽
兒童迎五馬稍修書札問專城自聞苦李蒙莊句不復人間世後名

寄送定州蘇尚書

初聞簡策侍前旒又見衣冠送作州北府時清惟可飲西山氣爽更宜秋功名
不朽聊通袖海道無違具一舟枉讀平生三萬卷貂蟬當復自兜鍪

答晁以道

轉走東南復帝城故人相見眼偏明十年作吏仍餬口兩地爲鄰闕寄聲冷眼
尙堪看細字白頭寧復要時名孰知范叔寒如此未覺嚴公有故情

別黃徐州

姓名曾落薦書中刻畫無鹽自不工一日虛聲滿天下十年從事得途窮白頭
未覺功名晚青眼常蒙今昔同衰疾久爲今日別數行老淚灑西風

次韻春懷

老形已具臂膝痛春事無多櫻筍來敗絮不溫生蟻蝨大杯覆酒著塵埃衰年
此日常爲客舊國當時只廢臺河嶺尙堪供極目少年爲句未須哀

東山謁外大父墓

土山宛轉屈蒼龍下有槃槃蓋世翁萬木刺天元自直叢篁侵道更須東百年
富貴今誰見一代功名託至公少日拊頭期類我暮年垂淚向西風

次韻晁無斁冬夜見寄

寒窗冷硯欲生塵短枕長衾卻自親老子形骸從薄暮先生意氣尙青春覆杯

不待回丹頰危坐猶能作直身城郭山林兩無得莫年當復幾霑巾

寄提刑李學士

石渠金馬青雲上東里西門濟水邊上冢過家真樂事平時持節富當年成家
舊學諸儒問脫手新詩萬口傳范叔一寒今若此相逢猶得故人憐

寄杜擇之

杜寄惠
近詩

詩家兩杜昔無鄰文采風流一作傳家世有人疾置送詩驚老醜坐曹得句自清新
興來不假江山助目過渾如草木春農馬智專吾不讓衡陽紙貴子能頻

次韻晁無斁春懷

城郭朝陽散積陰郊原注目日青深年衰鷗鷺如今是夢斷邯鄲何處尋語鵲
飛鳥春稍稍重簾深院晚沈沈不辭杖屨衝泥雪未有瓊琚報好音

寄晁無斁

稍聽春鳥語丁寧又見官池出斷冰雪後踏青誰與共花閒著語老猶能笑談
莫倦尋常聽山院終同一再登今日已知它日恨捨榆況得及飛騰

次韻夏日

江上雙峯一草堂，門閑心靜自清涼。
詩書發冢功名薄，麋鹿同羣歲月長。
句裏江山徒指顧，舌端幽眇致張皇。
莫欺九尺鬚眉白，解醉佳人錦瑟傍。

送杜擇之

兩父論詩伯仲間，去思今識謝家安。
曠懷亦苦中年別，歸翼仍愁行路難。
四壁未堪風雨夕，百圍已試雪霜寒。
欲逃富貴疑無地，千丈竿頭試手看。

楊夫人挽詞

晁無咎母

初說南奔道路長，湖邊丹旆已飛揚。
百年積慶鍾連璧，十念收功到淨方。
絳幔

一作帳

未經觀宋母，綠衣猶記識黃裳。
欲圖不朽須詮載，今代誰堪著石章。

桓山

平江如抱貫秦洪，雙嶺馳來欲並雄。
是物皆為萬世計，闔棺猶有一朝窮。
林巒特起終有汗，美惡千年竟不空。
尙有風流羊叔子，稍經湔洗與清風。

有東坡記刻石

答顏生

煩君臨問我何堪，剩欲從君十日談。
老退不應稱敏捷，顏蒼寧復借紅酣。
世間公器無多取，向裏宗風卻飽參。
陋巷遠孫還好學，未容光祿擅東南。

送劉主簿

義仲字壯興

平生師友豫章公，矻矻談君口不空。
半面相看吾已了，連城增價子何窮。
三千奏牘諸儒上，四百庵寮一歲中。
二父風流皆可繼，謗禪排道不須同。

和顏生同游南山

竹杖芒鞋取次行，琳瑯觸目路人驚。
當年此日仍爲客，病目今來喜再明。
筋力尙堪供是事，登臨那得總無情。
已知名世徒爲爾，不復緣渠太瘦生。

和魏衍同游阻風

舊說東風未世情，不應作意斷人行。
絕須一怒催新句，更可多憂促短生。
勝日著忙端取怪，妙年得此未須驚。
懸知出處非吾事，已復星河爛漫晴。

和魏衍同登快哉亭

經時不出此同臨，小徑新摧草舊侵。
欲傍江山看日落，不堪花鳥已春深。
來牛

後

山

集

卷六

去馬中年眼朗月清風萬里心故著連峯當極目回看幽徑遶雙林

和三日

苦遭年少強追陪病眼看花更覆杯
夾岸萬人傾國出清江一注兩山開
游人欲盡驚鷗下晚日猶須惡雨催
更恐明年有離別折花臨水共徘徊

答魏衍惠朱櫻

開門先得故人書稍喜提攜起覆盃
得句有誰知我在嘗新此日賴吾徒
傾籃的皪霑朝露出袖熒煌得寶珠
會薦瑛盤驚一座莧腸藜口未良圖

和黃預病起

似聞藥病已投機牛鬪蛇妖頓覺非
李賀固知當得疾沈侯可更不勝衣
驚逢白壁山千仞會見黃金帶十圍
只信詩書端作祟孰知糠覈亦能肥

和黃預感懷

壁立無堪佐子貧謾修簡牒效慇懃
起臨月鏡看生意臥向晴簷共白雲
逸氣不應供潦倒劇談脫或致紛紜
但令蘇晉禪妨醉不患何山病破葷

寄泰州曾侍郎

肇

八年門第故違離千里河山費夢思
淮海風濤一作流真有道麒麟圖畫豈無時
今朝有客傳河尹是處逢人說項斯
三徑未成心已具世間惟有白鷗知

答顏生見寄

闕然車馬不聞音行路艱危已備更
問舍求田真得計臨流據石有餘清
江山滿目開新卷韋杜諸人得細評
閑處著身容我老忙中見記識君情

和黄預七夕

盈盈一水不斯須經歲相過一作固自疎坐待翔禽報佳會
徑須飛雨洗香車
超騰水部陳篇上收拾愚溪作賦餘
信有神仙足官府我寧辛苦守殘書

贈鄭戶部

十載歸來遼海東江山如舊里閭空
時平未覺身難遇學瞻依然說不窮
著繡晝行真細事下車磬折得深衷
聖朝未有徐州相剩作功名跨數公
世稱青州王相濮州

李相而吾州自開國至今才有劉李二公爲執政爾

後

山

集

卷六

九日不出魏衍見過

九日登臨迫閉藏老懷無限自淒涼山頭落帽風流絕壁面稱詩語笑香南山有二

謝詩衝雨肯來尋此老拂牀聊待熟黃梁獨無尊酒為君壽正使秋花未肯黃

是日無菊

次韻何子温祈晴二首

夜半風回雨脚收萬家和氣與雲遊一作浮蕭條寒巷荒三徑突兀晴空聳二樓

勝日登臨輕一醉下鄉昏墊肯同憂江空峽響魚龍冷一作落盡放青青極目秋

九虎當關信不傳燒煙才上已回天驅除霧雨還朝一作晴日畜縮濤波復二川

奪目光華開秀句堆場稿稭驗豐年從今更上和頌少費將軍九萬錢

送王元均貶衡州兼寄元龍二首

先生英氣蓋區中命與仇謀得老窮又見長身有家法可辭短簿怒吾公石頭

路滑行能速宣室歸來語未終宛洛風塵莫回首直須留眼送歸鴻

先生秀句滿天東二子緣渠再得窮詩禮向來堪發冢孫劉能使不為公炎方

瘴癘避軒豁故國山河開始終傳語元龍要相識江湖春動有來鴻

元龍亦
謫金陵

次韻黃生

入竹投窗夜有聲似違殘臘作初正三更爽氣侵危坐萬里回風逼發生呵筆
小吟撩我老閉門高臥見君情只今剩作驚人句頗覺吟邊意未平

雪後

送往開新雪又晴故留臘白待春青稍回松色伸梅怨併得朝看與夜聽已覺

庭泥生馬

一作鳥

迹遽修田事帶朝星莫年功力歸持律不是騷人故獨醒

送詹司業

學舍論交二十年白頭相對固依然才難孰爲吾君惜果滿寧容我輩先熟路
長驅聊緩步百全一發不虛弦故懷未盡還成別飽慣人間不更憐

寄亳州何郎中二首

西南日下共浮雲人事離羣喜勸分已度城陰先得句不應從俗未忘葦松篁
有節元宜晚桃李無蹊只自薰欲入帝城須帝力且尋詩社著詩勳

西原追送未成旬赫赫傳聲已迫人剩欲鈔詩寄來使尙能拂席致嘉賓孰知
簡易歸劉向誰使循良作寇恂他日入東專一壑少留餘地許爲鄰

寄答泰州曾侍郎

千里馳詩慰別離詩來吟詠轉悲思靜中取適庸非計林下相從會有時生理
只今那得說交情從昔見於斯含毫欲下還休去懷抱何由得細知

送提刑李學士移使東路

襟抱從前相向開倡酬於此未多陪身更寵辱談彌勝路別東西意自哀隱几
忘言終不近白頭青簡兩相催孰知衰老難爲別聲問應須續續來

隱者郊居

高齋繚繞度雙溝老氣軒昂蓋九州不爲江山開悒快正緣風味得淹留招攜
好客供談笑拆補新詩擬獻酬小摘自鋤稀菜甲旁觀虛作不堪憂

寄襄州程大夫

中年爲吏晚專城不獨身榮府亦榮江漢風流見羊杜相門經術有韋平十年

一別音書絕萬里相看骨肉情今代龐公入城府定將懸榻與逢迎

送檢法趙奉議

三歲公門不屢過作賤時得問如何及茲去去翻爲恨向使常常肯謂多勇銳
閉房猶著酒切深疾惡反傷和贈言竊取仁人號善聽君居長者科

送建州鄭戶部

清江畫舸照新晴鏡鼓喧喧聒市鳴昔日布衣今著繡他年鶴化只空城還朝
不待三年最得郡何妨萬里行歲祿二千親八十世間誰有此時榮

奉陪趙大夫遊柏山

後水喧江落渾黃晚雲障日作微涼笙歌聲裏旌旗動羅綺叢中語笑香勸相
秋郊開稔熟摩挲苔壁弔荒亡風流一代今山簡有底尊前著葛強

寄曹州晁大夫

東方千騎貴當年白髮居頭也自賢肯費精神修客主稍回功譽入章篇虛名
不救空一作飢一作腸厄晚歲仍遭末疾纏死去不爲天下惜鏡中當有故人憐

送馮翊朱令

三楚風流信有人先聲今已徹咸秦寧為雞口官無小欲試牛刀久要新細肋
臥沙勤下筋長芒刺眼莫霑脣山西一作西州豪傑知吾老為說猶堪舉萬鈞

送孝忠落解南歸孝忠后山兄子

妙年失手未須恨白璧深藏可自妍短髮我今能種種晚粧他日看娟娟千金
市帚寧論價萬戶分封信有年清白傳家有如此歸途寒盡不留錢

寄單州張朝請

平生天上張公子尚記門間半面人聲烈與風來不盡音書無使去難頻一言
悟主心猶壯百巧成窮髮自新聞說監河收貸粟定傾東海活窮鱗

和趙大夫鹿鳴燕集

趙侯詩律近風騷雅意推賢答聖朝鴻鴈著行過渭水鳳凰覽德下虞韶三千
著籍今為盛九萬論程不作遙不讀世書談世事臥看君自致青霄

和朱智叔鹿鳴席上

三楚風流秀士林英詞從昔動脩門
充庭初識蒼龍礎賜醴行霑白獸樽
已上薦書輕一鶚更憑詩力化羣鯤
千年遼鶴空城郭誰見朱公有異孫
漢大司空朱浮蕭人也

酬智叔見贈

老去斯文不更論
卻因夫子話師門
清談不待傾三語
勝日何知共一樽
逐北我方填坎井
圖南誰得料鵬鯤
過逢爲說侯芭在
臥楫生衣犢有孫

再酬

鄉里衣冠不絕人
近天尺五只清門
論文正可簪雙筆
澆舌行看賜上樽
瓊玖每蒙先木李
蜩鳩方共笑飛鯤
固知賢傑當傳世
下里朱陳亦有孫

敬酬智叔三賜之辱兼戲楊理曹二首

龍爭虎據竟成塵
只有青樓與白門

青樓謂燕子樓也

令宰才高先得句
使君情重數

開樽江山故國難留鶴
科斗荒池可著鯤
直使頷鬚渾作白
未應投鐻愧諸孫

智叔有歎白髮詩

後山

集

卷六

八

中華書局聚

險韻瘦詞費討論真持布鼓過雷門更看九日臺頭句未用三人月下樽鏡裏
黃花明白髮海邊赤脚踏長鯤從來相戒莫打鴨可打鴛鴦最後孫

酬智叔見戲二首

百念皆空習尚存稍修香火踏空門槌腰摩腹非春事割愛投閑覆上樽白髮

情多猶可染

來詩有白髮之歎

驂鸞興盡卻乘鯤上界紛紛足官府也容河鼓過天孫

兩花風葉未宜春私柳官渠白下門每度清溪嘲短髮時容使席近芳樽雄蜂
雌蝶元非偶野馬遊塵不佐鯤若許成功當封賞

事具李待制席上篇

請看子子與孫孫

寄題披雲樓

使君高會答清秋增飾披雲作勝遊九日再逢堪一笑終朝百過更深憂落霞
孤鷺知才盡疎雨微雲怯語適賓主縱賢終少在只今未可壓黃樓

早起

鄰雞接響作三鳴殘點連聲殺五更寒氣挾霜侵敗絮賓鴻將子度微明有家

無食惟

一作違

高枕百巧千窮只短檠翰墨日疎身日遠世間安得尙虛名

和黃充小雪

度臘侵春亦未遲，紛紛款款意猶微。
一作元無見著物還消不待晞
臘欲打窗連夜聽，未須迷鴈斷行飛。
老來才盡無新語，只欲煩君急手揮。

和范教授同遊桓山

送客尋山已自仙，行談坐笑復忘年。
平郊走馬斜陽裏，破屋傳杯積水邊。
洗壁

留名題歲月

一作題名
留歲月

登高著句記山川，風流幕下諸公子。
縮手吟邊更覺賢。

春懷示鄰里

斷牆著雨蝸成字，老屋無僧燕作家。
剩欲出門追語笑，卻嫌歸鬢著塵沙。
風翻蛛網開三面，雷動蜂窠趁兩衙。
屢失南鄰春事約，只今容有未開花。

和寇十一晚登白門

重門傑觀屹相望，表裏山河自一方。
小市張燈歸意動，輕衫當戶晚風長。
孤臣白首逢新政，遊子青春見故鄉。
富貴本非吾輩事，江湖安得更相忘。

再和寇十一二首

南山樓觀插穹蒼林杪青燈出上方形勝自如諸老逝功名隨盡二流長馬游
從昔哀吾老王粲當年賦異鄉少日幻心今淨盡多生綺語未全忘

與世相違孰自量資身無策謾多方逢場作戲真呈拙誤筆成蠅豈所長名字

不歸青史筆形容終老白雲鄉何一作須五斗輕千里賴有斯人未肯忘

和李使君九日登戲馬臺

登高能賦屬吾儕不用傳杯擊鉢催九日風光堪落帽中年懷抱更登臺江山
信美因人勝萸菊逢辰滿意開二謝風流今復見千年留句待公來

後山先生集卷第六